


2



翁山詩外

卷之八

番禺屈大均撰

五言律

五

舉第四子阿豫

秀出有豪矜頻聞呱矣時生稊慚老樹得子似孫
枝命以丁年好男因豫卦知同予霜降月弧矢四

方期

丁卯九月十七舉第四子先期占得豫卦因

月故第五句云云

行年過始杖亦已作者英犬子生偏晚鷓鴣養漸

成阿婆歡欲抱而父咳初名薑酒來親串呱呱羨

此聲

花襟人爭送歡生滿月時月娥金粟種天帝玉蘭
枝上有三兄小中多一母私羽毛成立日吾已杖
朝期

銀作麒麟小胸前掛莫多契名從大士求福向須
陀飯雜香蕉餵衣兼繡襪拖女兒爭襁負不遣日
摩娑

家貧無食母自養益劬勞剪髮初成角勝冠待拂
髦飲愁雙乳少啼愛數聲高閭史書名罷光宗望
汝曹

孩笑娛尊母含飴弄未閒八旬無白髮九十尚紅
顏尺寸龍孫嫩參差雉子斑昔甘慈旦夕爭食一

堂間

尚欠商瞿一明年五子齊祗愁無紙筆不恨少楂
梨井臼梁家婦耕桑翟氏妻老萊嬉戲日猶自作
孩提

題蒲澗簾泉宴坐圖爲朱凝陽

嗟爾掇瑤草菖蒲花正催言尋赤玉鳥遂上鶴舒
臺煙霧迷秦帝巖泉接道開

謂單道開

少君吾得否欲

入畫圖來

誰識堯時韭長生一紫茸三花飛瀑濺九節暮煙
重一日辭東海三朝戲祖龍神仙君已得冰雪看
秋容

聞道漳河日君爲佐郡賢賦裁銅雀下杯引玉魚
邊未老身難隱成童道已傳千金方不少內外葛
洪篇

羽化英雄事吾生未寂寥無花非藥餌有酒卽裕
喬汝逐安期去能將蒯徹招朱明深洞口未隔水
簾遙

賦贈賈新會

往日丁侯積從師學有餘

丁積爲新會令嘗從白沙先生遊

老人

惟碧玉

白沙嘗自稱碧玉老人

弟子復嘉魚

謂李孝廉承箕

君此爲

仙令人多賦樂居兕觥爭上者春酒美何如

爲陳母謝夫人壽

光祿曾孫婦徽音出謝家光輝將九鳳潔白得三
花夫子同緇帙諸生亦絳紗堂前春獻酒不少是
侯芭

送徐序得還嘉興

徐乃吾友盛南樵外甥

當年知我者數子在嘉禾復有而甥舅相將倚嘯
歌自歸窮海上無復故人過汝愛沉香浦來遊奈
別何

郗公猶易勝汝舅是韓康車洪相尋日浴澗不可
忘無年隨杖履有道在農桑君亦能高蹈風流水

一方

南樵賣藥車洪奄逝今十餘年矣

徐熙今是汝名冠寫生家數有屏風點還多沒骨

花時時團扇上飛出雛妃斜贈我兼山水氤氳見
海霞

蕭條徒作客未有主人賢遊說非金橐丹青是石
田秋歸隨海燕晚食當河鮮我亦圖忠養艱難賣
力年

送李緩山還楚

世事猶如昨交情直至今三年徒奮發一代遂浮
沉湖接新堤濶江連沔口深松窓歸臥好枕外有
瑤琴

客遊雖寂寞得盡故人歡吾道同黃菊相期保歲
寒楚人哀怨善荆國水雲寬漁父知君者長吟向
釣竿

老來還此別南北洞庭分大耋須相見悲歌必使
聞歲教鴻雁至復寄蕙蘭芬衛武能齊聖無嫌飲
酒勤

爲番禺孔使君母陳太夫人壽

孔門司馬配有子政聲傳自覩神君美彌知壽母
賢承恩鳧嶧地就養祝融天鮑女多珠黍爲餐定
得仙
縣令多爲相如今亦漢時神明元母教孝友更人
師介福康侯受徽音太姒貽番禺榮養日官舍擘
離支

龐祖如以張喬美人畫蘭見贈詩以荅之

有序

友人龐子祖如有張喬美人畫蘭一幅上有陳文忠公桐君所題詩詩曰谷風吹我襟起坐彈鳴琴難將公子意寫入美人心公嘗於南園五先生抗風軒集名流十有二人開社喬每侍公弄筆墨賦詩有送黎孝廉美周詩云春雨潮頭百尺高錦帆那惜掛江臯輕輕燕子能相逐怕見西飛是伯勞又有送李山人煙客詩云子夜徵歌特底忙奈何花月是離觴春江千折牽遊舸若箇津頭柳線長又云香作飛塵玉作煙輕寒微月養愁天梅花本是江南弄一疊關山倍可憐皆清婉多風得詩人比興之旨喬旣工于詩復美顏色歌舞妙絕一時故爲諸名士大夫所愛每有讌集喬必與年二十有一病垂危彭孟陽文學以數百金贖之附於千金市駿骨之義喬竟不起孟陽葬之於白雲山麓梅花坳送者數十百人下至緇黃人詩一章植花一本以表之號曰花冢祖如嘗至其處以爲可與花田相頡頏云文忠忠臣喬而姝其書與畫世不多有祖如藏此四十餘年矣丁卯秋偶爲予言及其事遂割愛相贈蘭凡兩叢生石上葉長者五短者八九花已開未開者有七葉細花柔宛有

露笑煙啼之致蘭根旁有小印一文曰逢永逢永者黃孝廉聖年南園社中十二人之一也逢永嘗有贈蘭妓詩試問蘭妃下蘭畹青蘭何似紫蘭佳蓋謂喬也又有九曜山房對梅贈歌者張喬詩而王說作過喬墓亦爲詩云今人薄意氣紅粉死多時惆悵花林暮荒涼白露滋其慨歎之若此頃見湯建孟言其少時嘗見諸詩人挽張喬詩及喬傳墓誌孟陽集爲一編載某人栽某花卉而刻喬遺像其上字畫精麗殊可玩壬戌秋至戴氏家出美周先生手書觀之則所錄喬詩三絕乃喬送已及烟客之作讀之恍然想見其爲人嗟夫文忠忠臣美周亦忠臣也喬一女子而三詩一畫乃藉二公以傳喬一何幸而得此建孟亦有喬所畫蘭一幅予謂建孟盍題詩其上並以贈予予將從戴氏乞取美周所書三詩並陳中洲給諫之跋裝演爲一大軸出入提携以爲吾忘憂蠲忿之一物焉中洲者文忠之弟亦南園社人之一吾他日復修南園詩社又將以此爲風雅嘉話矣屬祖如索詩爲報因賦六章以荅其意喬字二喬廣州人

自來忠潔者香艸最情深况出佳人手芬馨直至今數莖纔作態一朵已生心尺幅風流在相貽愧

所欽

珠江如錦水亦有薛家濤白紵徵吳曲紅箋出楚
騷長因蘭蕙艸益見鳳皇毛相國多憐惜題詩綵
筆勞

碧血成黃土紅顏化紫煙心香花上發手澤扇頭
妍秘賞勞之子珍藏積有年紫莖將綠葉長託畫
圖傳

相國真書少銀鉤爲紫鴛美令紈扇貴忠使墨花
香松栢歌難歇蘭蓀恨正長義公魂魄在應倚杜
秋娘

美人魂葉葉終古託忠貞白璧譏元亮梅花笑廣
平離騷能好色太上豈忘情出入吾懷袖應高畫
苑名

誰知蘭麝土花冢卽花田有影隨胡蝶無聲與子
鵲畫空留兩幅詩已失諸篇割愛持相贈知君是
好賢

丁卯臘月十三日恭逢家慈大人八十有四
壽日喜賦五章

歲歲嘉平月詩稱壽母篇麻姑將九十桃子定三
千養恨芝薇薄居愁市井偏多金辭仲子未是許
身年

八十還餘四生年值甲辰詎知王氏臘猶是漢皇

人膝下頭皆白堂前綵自新多孫爭杖屨扶過杏
花鄰

忠養無窮日難終孝子身三千王母歲六十老萊
春竹笋冬方茁梅葩臘已新爐紅燒雉熟持作早
餐頻

內則時時讀中言子法多味調魚子醬香入燕兒
窠未恨清貧甚徒嗟少壯過萊衣無所有日夕一
漁簑

有子黔婁似生涯老更貧多慚難絕俗所幸未違
親作苦成無養爲高致不仁游盤今不敢且保白
華身

戊辰元日作

憶昔先皇帝元年此戊辰久無王正月徒有漢
遺臣草野私哀痛漁樵愧隱淪千秋殉宗社血淚
更何人

雞鳴肅冠服北面拜威皇弓劍長如在陵園不
敢忘元年猶此日正朔更何方有限遺臣庶哀思
淚幾行

昔日煤山事重華野死同諸臣多藁葬二女亦攢
宮國破非明主人亾豈狡童元年誰復憶拜手五
雲中

鼎湖龍去久四十又三年神聖偏亾國憂勤未格

天書王多史法報主有詩篇元祀從今始春秋在
一肩

一元過六十復自戊辰開王氣今年轉天心昨夜
迴暖風初拂柳春色早驚梅好爲流鶯盡深深栢
葉杯

元日晴明甚寒消昧爽時花添開歲事鶯速立春
期一室衣冠獨中華故老誰崇禎多野史散佚有

餘悲

初三日
立春

稚子唐巾小雙雙作漢裝未能懷故國亦解問
先皇玉几瞻天際雲旗想帝鄉戊辰年再遇光復
意何長

明年吾六十得作伏波無益壯先神智全歸後髮
膚風雲須慘淡天地久荒蕪此日先皇淚威靈
鑒一夫

斑斑吾鬢髮已老是姿年欲飲無吳酒長吟只楚
篇南風吹水淡朔雪化雲鮮採十難爲養今春早
種田

天桃三四藥色向歲朝新白首偏憐汝紅粧莫笑
人琴邊那有恨酒外更無春兒女爭花勝先簪折
角巾

送歛人羅子浮山還涇溪兼寄令母舅汪子

栗亭

栗亭家潛溪在黃山
之麓去涇溪十里

山寺小五律五

深溪知不遠十里卽潛溪一水連甥舅參差烟樹
西宅因黃嶽好才與外家齊此日白雲際郝公何
處棲

羅浮爲姓字汝亦一羅浮白嶽不歸去孤雲安所
求能詩如舅氏過我此炎洲未有瑤華報離居黯
欲愁

爲我持書札殷勤致渭陽明春木蘭楫同至越王
鄉白首此相待狂歌殊未央平生我知己情是粟
亭長

送蘇友燕

平生志沮溺未有耦畊人之子思南畝將歸及暮
春湖田淮口接水屋白鷗鄰名父難爲子期將素
業新

新年

新年偏雨積最喜鳥催晴不是歲寒客安知春望
情酒須紅粉送花要白頭迎鶯小能歌曲參差莫
斷聲

幾日陰寒甚年光在雨中花教愁思盡鶯使夢魂
空臘果爭兒女春醪讓老翁收燈今歲早人事覺
匆匆

細雨無朝夕衝寒客不過花愁今歲少酒恨去年
多老未辭耕作閒惟事嘯歌河清終已矣難俟奈

君何

送徐司業

徐庾才華盛相逢慰所思六朝名父子一代好人
師路指京華日情牽海嶠時自憐同越鳥持贈只
南枝

相知君未晚夢寐十年餘白首來求友青山得著
書竹蕉揚裔布魚鱗越人蔬肯待離支熟干旌過
敝廬

袞袞登臺省而今少布衣鄭公樗散是司業酒錢
非老大書頻寄文章命漸微海雲分袂處心與數
鴻飛

京國如相問君言在海東梅花猶漢臘菰米亦吳
風別緒縈春柳離聲託暮鴻異時重握手應傍景
陽宮

送成大夫

復作沉香浦人欽子大夫明朝共蘭楫祗有石家
珠越鳥多能語蠻花盡作圖木棉携得否絕勝女
珊瑚

奉寄定安胡朝翰先生

名輝祖

一歲雙元祀心悲乙酉年開科當主辱求士得君
賢禁錮元吾志沉冥答所天偷生過七十慚愧說
神仙

乙酉為弘光元年
隆武元年

吾家有花萼與爾孝廉同出處皆勤事存亾一匪
躬墓門餘宿草魂氣逐悲風 襄帝遺臣盡嗟君

草莽中

先兄諱士燦與先生同舉乙酉科
先兄在雲南行在官禮部郎中

白髮蕭疎甚康成但幅巾時窮誰處逸道在自忘
貧奇甸三神島遺民 二祖身造門多屣履戶內

閒無人

半畝檳榔樹雙叢薏苡花有身歸草木無夢與煙
霞醺酒霑紅葉彈棋拂落華新詩知幾許海外想
名家

送王將軍

多年南越地未覺有將軍士馬時相見笳簫間

聞饒歌多自作銅柱不言勳此日還京邑承家荷
大君

鼓吹黃門盛相迎闕下廻定須大司馬詩冠柏梁
臺坐次諸王貴功高一代才人思文武甚吉甫復
能來

送送珠江水交人念伏波恩威皆涕淚去住一謳
歌霸氣銷南武遺宮掃趙佗戎車無所有未載簪
珠多

去歲花朝後華堂燕喜時賓僚三益會孝友一人
期別管吹吳曲離絃寫楚辭自今高詠史月夜復
誰知

一春

一春暄暖甚微雨忽生寒悔與錦衾別徒令羅袂
單花教貧未已酒使病無端歸去同冰蘂蘭房種
合歡

無端豔陽候作客向江臯西上愁春水東飛恨伯
勞庭幃增喜懼兒女損清高垂橐且歸去閨中憶
大刀

客裏多春思無心對玉觴鶯知何處好花只故園
香角枕無端別瑤琴不忍張無人買辭賦取酒與
卿嘗

相親方一月卽與鏡臺違無力花畱住多情鳥喚
歸桃根方倚楫蘇蕙正鳴機少別成流滯何因得
奮飛

過黃積菴南軒賦贈

一室城南小幽人已有餘花乘三月食葉待一秋
書詩句先年老禪心入夜虛我來分嘯傲每至暮
鐘初

君志在山水時時琴響流紅顏方似日白髮不會
秋花笑客不飲鶯知人欲愁煙光正和暖且復半
塘遊

香山過鄭文學艸堂賦贈

與君同學早四十四年前白首歡初盡青春恨未

捐汝師餘碧血吾道在黃泉不盡招魂意同裁大

小篇師謂陳巖野先生

於予多一歲同是杖鄉時飲酒教難老茹芝得未
衰武公應九十萊子且嬰兒莫惜頻相見殷勤作
社期

相畱過數日言笑盡精微好學寧知老行年每覺
非海雲光動戶山氣冷侵衣欣賞多圖畫流連欲
未歸

咫尺沙岡市魚鰕不少錢蟹黃隨月滿沙白入春
鮮百貨通洋舶諸夷接海天渺茫蠓鏡澳同去恨
無船

香山多海味我意欲移家况復潮田賤浮生易作
沙傭畊須二頃求食更孤槎地主君長在吾生自
有涯

香山過茄頭村作

雨多春水淡乘興過漁家鱗鱗方圓甲魚烹黃白
花田人多種草稅戶每爭沙十字門西望茫茫天
一涯

船口東洋接潮來百里聞帆檣爭落日島嶼亂浮
雲拾鱉雌雄竝開蠓左右分家家多海錯邀我醉
氤氳

春日過訪王用禴園亭作

鐵爐城內巷君作一丘園水竹頻無路煙花似在
村蝶同居士夢鶯與美人言幽賞忘歸去依依爲
綠尊

行行漸入林春自一家深二畝花猶少三年柳已
陰番山微見影瀑水似聞音自此長來往聽君弄
玉琴

種葱

欲供春膾用當臘種葱多地凍堅冰始泥乾小雪
過食兼沙韭好齋奈露葵何寸寸慈親意盤中雜
蔣蘿

香荔

新州香荔好得種自楓亭細小如龍眼芬芳似素
馨熟看嫌太赤生食恨多青兒女簪雲髻輕輕出
畫屏

任秋浦解清河令歸養詩以贈之

爾亦崔秋浦三年拂袖頻采蘭爲處子種柳卽先
民稼穡自茲務柴桑誰與鄰歸來辭更好先示女
蘿人

解官歸未得賣畫向清河父老畱蘭蕙兒童乞芟
荷白華身未老黃菊節初過咫尺圭峰曲相期共

嘯歌

任雅善
畫蘭

壽鄭母何太夫人兼呈令子太史

高堂珠黍就令子玉珂還兄弟鴛鴦似于飛煙水
間花爲王母勝玉作歲星顏壽母詩相和人稱大
小山
百歲孫嵩母吾今亦似君人言牲鼎好不及玉堂
芬無欲同朱萼多才且白雲鄭家餘巨棗食我肯
相分

送高固齋

海內文章伯而今復有君端溪來采硯自割水巖
雲天地與神物圖書垂大勲精華時沐浴日月使
氤氲

紛綸五經客復見大春來詞賦還香草春秋又玉
杯輕帆千里掛故國八閩回著作時相寄知言在
越臺

過黃氏南軒作

離離瓜架外花種鳳仙多愛老還朱槿牽情更綠
蘿香須焚水熟味可養天和白首無餘事生涯一
嘯歌

布水村

姬人陸氏墨西所
生地在高要境

生長雙鬢地柑蕉十里園綠蘿梁氏井香水漢妃
村峽影斜當戶江聲直到門天教兵火後碧玉一
家存

布水村名好吾憐此有人能生桃葉女來助墨花

春繫艇依江岼持觴坐艸茵郎家人競看笑語滿

東鄰彼中稱女壻曰郎家

盡映蕉林出來窺宋玉姿苧蘿無女久烏鵲得夫

遲戶熟秋蠶候家收早稻時年年視公姥帆落此

江潛

攜公新棲仙掌峰詩以贈之峰在七星巖西

大士何年至禪房此淨居長畱仙掌在定是散花

餘具體同西率駢枝出太虛參差霞色映君愛削

葱疎

七星巖壑外一朵水芙蓉亦有仙人掌何如玉女

峰磬聲驚亂葉棋響落長松雲臥吾將汝年年紫

翠重

一路從天井螺旋出白雲飛花牀上亂瀑水掌中

分入定宐蟬響閒行及鹿羣莫教人看奕仙日易

斜曛携公善奕

石琢楸枰好泠泠煖玉敲聲兼裕子落影與竹陰

交步處花隨杖齋時鳥下巢橘中吾欲隱可許共

煙梢

荅汪晉賢

玄墓迴舟日脚躡未訪君長令碧巢月流照一浮

雲夢寐日已積鶯花春屢分新詩今見寄香似澤

蘭聞

羨爾浮谿館賡訓興不孤鴛鴦兄婿弟花萼玉聯
珠好客因風雅移家爲畫圖故人簞谷子周青最
得共菰蘆

賢兄作仙吏惠政在高涼豈意玉棺墮頻令珠舄
亾三吳匍匐至五嶺瘴煙長辛苦脊令鳥銜哀殊
未央

咫尺扶胥口期君鼓柁來蜚花漁父菜螺鈿海人
杯老更逢三益愁應解七哀故人懷樵李同把玉
琴開

壽張觀察

公來南越重忠孝將門高奕葉山河固連枝節鉞
勞逢迎過錦里剪拂及珠毛公讌多風雅縱橫奮
彩毫

玉門飛將種大烈早丕承嶺表新心膂河西舊股
肱友于連袞繡臣節凜淵氷天上張公子名揚自
少陵

英靈從二舉生甫菊花辰文武憑師表功勳作懿
親日生南海夜秋似朔方春憲府高開處恩威徧
越人

下車方數月未暇事登臨瓴甌陶公力楸枰謝傅
心衡文高玉尺化俗善雕琴祖述風騷得洋洋正
始音

生理嚴公在飄零念鬢華客情依節制詩說愛紛
葩勿復勞裴冤全應作浣花元戎驅小隊時過野
人家

殷勤嚴僕射情向灤西分乳酒憐漁父山瓶送馬
軍風流還此日倡和更如雲獻壽無他物黃華絕
世芬

酒濁

絕與渾河似絺中漉不清白衣難再得黃菊只空
榮歲儉無香秫人愁有寶箏搗彈當月夕亦復一
忘情

五十九歲生日作

紫髯雖滿鏡終奈二毛何白日從他暮朱顏且自
醜楚丘神智少萊子笑啼多明歲杖鄉得居然六
十皤

壽黃參軍

樂聖杯休放秋花正滿檐未曾慚柳下似不愧陶
潛五十能知命升沉更不占素心人咫尺相照復
冰蟾

壽某方伯

杭州人

方岳開南極臺門俯藥洲捲將明聖水來作海珠
流禾黍多陰雨壺觴及素秋壽星相照曜長接紫
薇樓

野花

花愛無名好，維舟折數枝。
東家嫌太赤，北地恨多脂。
峽外人爭看，溪中女不知。
玉顏殊寂寞，似在葍蘿時。

汲靈山寺泉作

泉從雲際落，半作玉簾飛。
峽口穿花汲，餅中帶雪歸。
滿城烹石乳，一筧到松扉。
歲歲吾來此，臨流一浣衣。

自抱丈人甕，凌朝汲素華。
清冷含宿雨，挹注亂明霞。
活愛爐中火，香宜廟後茶。
載歸涓滴好，分餉復雲芽。

七夕作

暮歸從錦水，瓜果客前陳。
正及穿鍼節，新添乞巧人。
玉簪香出髻，雲液煖當唇。
共惜天孫苦，年年隔漢津。

漢津

玉簪花也

年年牛女夕，歸向畫堂深。
烏鵲憂無力，蜘蛛喜有心。
殷勤碧玉女，縹緲紫簫音。
不寐看銀漢，泠泠花露陰。

終歲匏瓜似，今宵織女逢。
金錢還帝少，河漢隔天重。
夜豈人間淺，情應天上濃。
自今忍離別，仙去駕茅龍。

雲漢應清淺，雙星渡未遙。
家家罷機杼，一一望河



原件短缺

橋聖水月中汲天香花外燒七襄知巧絕肯與我

仁嬌粵人以是夕爭汲聖水

葵扇

玉手蒲葵扇輕搖風滿襟團圓班女樣裁剪越娘心未覺冰紉好長憂白羽侵憑君懷袖裏出入到

秋淡

用自王丞相炎方不汝輕葵田多下種萑扇少知名就葉成明月因風御太清合歡無不可篋笥忍

忘情

岡州種蒲葵之所號曰葵田今嶺外人多誤以蒲葵扇為芭蕉扇

芋

頻隨粳稻熟早芋紫莖長亦是炎方米能為野客

虛日從金利蕉身買到村女紅多作布男事半為

園野鹿當春滿潮雞未曙喧場師吾欲學橘柚映

衡門市日謂之虛日金利村名

木芙蓉

單瓣雖云薄無霜亦自紅香生黃蘂外秋在玉顏中美種沅湘少嘉名菡萏同芭蕉淡傍汝涼愛綠

衣風

老至

老至貧逾甚無營但晝眠瓶餘陶氏粟杖少阮家錢妻子同饑渴琴書欲棄捐黃花不肯放畱待酒

如泉



原件短缺

髮少惟冠籜龍鍾節一枝紅顏應有日白首豈無
時菊暖秋難得柑寒晚更空終同黃綺輩嬾作帝
王師
白頭依膝下人羨六旬人谷口何如鄭商顏不是
秦收嫌香稻晚采愛紫芝春日夕弄雛鳥嬰兒戲
錦茵

白菊

冬淡方吐蘂不欲向高秋搖落當青歲芬芳及白
頭雪將佳色映冰使落英畱寒絕無人見梅花共
一丘

贈王生

奉陪富平程相音歷穗石洞訶林出西郊作
昔予婚弄玉今每愛秦人况是頻陽客彌淡瓜葛
親相逢當穗石竝坐得花茵西出昌華苑晴看十
月春

諸田和大李昔作主人賢吾子方垂卹當時未比
肩三秦來夢寐萬里此周旋辱贈詩歌古蒹葭白
露篇

地多南漢迹佳處是花田訶子園林外朱明門戶
邊閒尋蘭若坐倦拂石苔眠試望朝臺月蒼蒼已
出煙

愛話關中舊相知首富平文章真性命隱逸老聲

名味苦思蘆酒音悲憶寶箏憑君語供奉來慰別
離情

答贈程虞三

九峰三泖畔書畫一家家女亦雲林似風流未有
涯人爭團扇草更愛灑西花白露方凝戾蒹葭隔
暮霞

程有蒹葭古亭詩卷

作客來吾越詩歌迥不同開元南海體正始曲江
風唱和勤觀察聲華助主公月明開幕飲不遣酒
尊空

魏塘風雅盛吳浙恣憑陵我友周簞谷言君一季
鷹燕梢

船名

浮碧水鱸膾出寒冰中有楚漁父援毫

畫未曾

汝共干旌至光生海上鄉世家忘獻子苗裔愛高
陽水截扶胥口山開栗里莊無能具雞黍荷蓀未
情忘

時同張觀察枉駕沙亭

喜徐謂六同何東濱程虞三程相音周南美
枉顧沙亭之作

上客山陰至穿松步屨勞茅家蔬食薄陶令葛巾
高海月隨苓箬山泉赴桔槔新詩頻見贈光采滿
蓬蒿

坐共青苔石棋聲落一花含冰徐孺鏡散綺謝公
霞劍拂龍精冷屏開雀尾斜玉臺新詠序一任阿

陵誇

豈意雲門客來看石戶農不知煙管嶺予家煙可

似臥龍峰君家紹興城中有臥龍山采摘惟秋菊流連及暮鐘

為予作圖畫記取海山重

喜周南美同諸子枉顧沙亭

吉甫多諸友君來燕喜同花愁銀燭照酒畏玉壺

空孝友先張仲神仙後葛洪叨陪殊未已卜夜更

秋終

浙東山水地最憶鑑湖橋汝宅當梅市人來必畫

橈相逢問耆舊尚在幾漁樵杯酒淋漓絕悲歌答

此宵

白駒嘉客返良馬大夫來爾作同車客人知入幕

才拜親孤嫠出見子二雛催著作吾何敢憑君玉

尺裁時張觀察同至

不仕

不仕元慈令春秋意在茲猶能成老大豈敢恨流

離柳翳蟬多葉松棲鶴有枝婆娑長膝下絕勝據

鞍時

夜宿沙洲有作

沙洲今夕宿月似一人孤不寐同秋雁相依更夜

烏初寒山兔少未曙水螢無耿耿懷明發漁歌起

綠蒲

晚菊

豈爲尊無綠黃花不肯開暖隨重九過寒待立冬
來葉頽愁霜染葩香愛雪催稀疎難飽食看殺在
莓苔

漸轉南天氣冬來寒不知非關幽菊晚自是肅霜
遲瘦弱全生葉芬芳半在枝苦心成數本培植學
場師

未開香已出朶朶入秋心蘂恨含霜少花愁飲雨
淡分來田父種采向石堂陰笑共龍鍾節朝朝作
意簪

勸影嗟無酒黃花笑一秋風難乾客淚雪易白人
頭病恐高堂覺貧憐小婦愁平生謀食拙老更作
黔婁

杯杓生塵久無錢送酒家長齋憎苦葉不食待明
霞白蚤三秋艸黃遲九日華貧中無一可嘯詠是
生涯

喜值關中陳玉之有作

曾爲秦地客不作越人吟我祖元西屈南遷自舉
陰逢君好賓客置酒向園林板屋多君子能知風
雅音

求仙復何所最愛是西秦一日爲簫史千秋憶鳳
人城隨珠斗曲橋出絳河津何日橫門入君家更

望春

我本王孫舊關中漢始遷三閭興大楚五族冠諸
田反本思河舉爲都待澗灑從君歌慷慨更在小
戎篇

野菊

苦苴生空野無心籬落間祗因甘味少得使冷香
閒蘭已當門盡裕猶待客還蕭疎簪數朶未覺鬢
毛斑
何妨同野艸歲晚爲誰貞蒂已平生苦花猶一日
榮東籬無此種靖節未知名珍重過霜雪微芳莫
自輕

世受能騎射時來志定邊三千兵法客十八冠軍
年北是驂騑地南非鷓鴣天看君絕塵去及父紫
金鞭

題關中程氏臨流圖

獨坐向流水不知花滿身橫琴復何事垂釣只斯
人石作峰峰筭雲爲片片茵蒼蒼葭茨外此境是
西秦

霧重

霧重知風起明應三日寒地侵霜氣溼天入雪雲
乾服餌貧來少衣裳老去單梅花今手植可得甘
年看

語云一朝霧三朝風

乘霧取鳧鴈宜寒是水鄉
蠓膏霜後滿螺柱雪前
長打網勞漁婦盤鹽急
海商菊花嫌早放辛苦及
春陽

贈陳山人

四聖精微得知君術絕
倫嚴遵非日者管輅是天
人學易吾多過加年汝益
神相逢先問壽可及杖
朝辰

聞人談曹州之勝

聞道澠沮會州名舊是曹
花頭多尚白菊本更宜
高客有雙河老連沛字
交多五嶺豪山東耆舊少
餘爾在蓬蒿花謂牡丹彼中以白者為貴菊以高丈許者為貴

畱別館主人凌君

父子能畱客殷勤端水涯
相如無縣令季布有朱
家酒釀惠泉水魚烹楊柳
沙多慚賢地主車騎未
光華楊柳沙多產嘉魚

連朝陰雨甚行李苦淹畱
閭里逢輕俠都亭慰倦
遊情深羊峽水夢暖雁城
秋明歲西湖曲還當假
小樓

冬至同兒明洪在西江舟中有作

朝暎初出浦水霧未分天
暖欲含春氣光微散白
煙陽和生玉盞雲物引香
箋節向舟中拜兒曹祝
大年

八
艘船

八字競乘風斜張扇子蓬飛揚紛水客出沒一梢
公海自三門入洋教百貨通橫江諸大艘最是粵
船雄

左右雙帆起垂天似大雲勢爭飛鳥疾聲與沓潮
分伐鼓辭沙廟拋香爲水君待流時下碇隱映在
斜曛

大華
冬日作

白兔裘輕暖偏宜嶺外人無冬難作冷未臘已偷
春菊蕊餐初罷梅枝折又頻白頭浣花客愁見歲
華新

含愁

含愁似煙樹最是夕陽時故苑今安在啼鶯汝可
知花無秦女影木有越人枝多少傷春淚年年寄
與誰

送方六

桐城多我友藥地是吾師子弟皆能學如君更好
辭依人來嶺海問道得軒義歸取潛夫論研心未
老時

潛夫方先生有周易時
論一書藥地其冢子也

贈王仲子新昏

愛爾辟疆園相過有緣尊能文詞伯子好武衛家
孫旭日初鳴雁天桃正爛門翩翩秦士會佳詠述

新昏

小除後二夕與姬人香者兒明洪飲寓樓上
有賦

越俗團年席吳風守歲盤頻乘金盞暖莫弄玉琴
寒稚妾爲香史嬌兒作酒官半酣歌一曲婉變有
餘歡

寄吳綺園

謝家春草綠池上日油油爾亦惠連好長同康樂
遊鷓鸞兄太液芝朮弟丹丘貽我黃山志相期三
海頭

新詩兼見寄才歎歛人多黃嶽與靈秀浮丘同嘯

歌三珠兄弟樹百尺鳳凰窠日向湯泉浴雲衣掛
綠蘿

廣利墟

單日人爲市舟船集水鄉店開金利仔祠賽木棉
娘魚賤無人買柑多任客嘗酒墟無大小一一噴
花香

蘋

墟期單日廣利雙日永安

南方蘋十品一一越人糧買似蹲鴟賤餐同地腎
香露葵須爾伴山藥未集良美種來黎峒無煩辟
穀方

汪扶晨得予所寄詩外賦詩志喜予感其知

己之淡亦賦二章答之

昔聞浣花老最愛李青蓮今子才無敵依然讓謫
僊筆驚風雨落杯訝瀑泉懸狂客四明在還教與
酒錢

年年惠書札吾子最情淡不有千金劍安知一片
心關山難獨往魂夢易相尋數把離憂寫泠泠一
玉琴

奉和張觀察長至前一日端州曠怡樓晚眺
西江吞左右萬里作洪流砥柱無三峽朝宗有一
樓梅先長至發菊後小春收觀察乘暄暖休輕叔
子裘左右謂左

煎粉席上口占同用煎字

細作香杭粉光分雪色妍攤成春餅薄疊出白環
圓石蜜香心卷蘭膏素手煎玉盤寒具外此餌及
賓先白環餅名○寒具謂之餠

越俗甘粦少擎來粉食先瓊靡香稻屑金鈔素油
煎婦女添茶素兒童減餅錢爭言餽餽美未若柜
妝鮮釋名云煮麥曰粦急就章甘粦殊美楚辭屑瓊靡以為棧靡音糜吳筠說餅云煎以金鈔
廣俗謂油撒薄脆之屬曰茶素孫嵩問趙岐餅買
幾錢賣幾錢揚雄方言曰餅謂之餽楚辭柜枚蜜
餌柜枚以蜜和
米麵熬煎為之

吳筠徒說餅未見粉香煎細杵春雲子重羅糝雪
絲南中希食麵野外此登筵不用椒蘭灑糖霜已

可憐

南油茶子美粉餌恣淡煎浸米寒泉冽成膏白玉
絲茶靡為角好椰子作養先束皙如餐汝應添賦

餅篇

束皙有餅賦

茶靡花

南海茶靡露千瓶出此花醜顏因白日醜面即紅
霞色著霑衣客香歸釀酒家摘防纖手損朶朶刺

交加

澳門番女以茶靡露霑酒唐人衣上以為敬

玫瑰同名族南人取曬糖全添紅餅色半入綠尊

香露使花頭重霞爭酒暈光女兒兼粉果相餽及

春陽

哭王用禴

城中吾友少相見即交淡况復園亭好兼之騷雅
音暮霞時引領朝露忽傷心汝愛狂歌客泉臺何
處尋

共有孫嵩母歡娛百歲期蘭羞猶夕上土室已朝
辭孝子身方始微官罷未遲孤心餘寸艸化作白
華枝

蟬蛻人間早蘇耽遂不歸淚應畱橘井魂尚著萊
衣藥恨君臣失瓜憐子母稀幾時方化鶴來向北

堂飛

君善醫藥

身隨婚嫁畢五嶽向黃泉有命安朝槿無心託杜

鷓鴣人亡嵇氏散鬼唱鮑家篇寒食他時哭琴彈宿
艸邊

送鮑子韶

舟繫海珠石雙帆喜未開可如潮與汝端卽去還
來世老千金劔天畱一代才如新期白首且爲盡
離杯

月黃

月黃含雨氣隱映畫樓前笛向寒光起聲隨素影
傳海風青作凍漁火白成煙宿鳥驚梧葉愁人又

不眠

青凍
風名

酌酒

夕陽簾半捲樓倚碧桐陰月上縫衣手花開酌酒
心螢光沾雨溼鳥影逐煙深語罷潮雞起星河半
欲沈
素馨開向夕上髻益生香露已侵羅袂風猶戀石
牀酒邊書史足琴外嘯歌長手弱杯須小輕搖琥
珀光

弱子

淵明憐弱子戲側有餘歡欲授嬉春曲先分守歲
盤安男多種艸待女更滋蘭未有田園業遺安恐
未安

揚帆

揚帆入白雲十里水痕分
新舊潮相沓陰晴日未
曛芙蓉猶野服麋鹿已人羣
行役雖非願人生亦
貴勤

挂席

青東吹挂席舟拔一峰高
煙雨生魂夢風波失羽
毛但能長襪襖不敢恨蓬蒿
游俠胡爲者徒令愧
寶刀

立秋後五日作

已是立秋來涼風尚未催
臥乾蕉葉簟吟冷藕花
杯宿鳥煙初合流螢雨不
開窺簾有明月欲曙尚
徘徊

爭秋殊未已酷熱似城中
水氣暮方冷林聲朝尚
空汗沾紈扇雪香駐縠衣
風菱藕充饑渴佳人玉
齒融

舟宿黃槎涌作

兩岼陰晴異山容互有無
牛羊數村暝燈火一人
孤夜織多蕉布秋收少荔
奴女郎祠畔宿魂夢恨
棲鳥

夕陽

夕陽山更好青接半天陰
峽影煙開闔江聲石淺
深涼蟬爭咽樹落葉乍驚
林欲宿人村遠依依逐
暮禽

不眠

不眠因近峽貪聽鷓鴣聲一夕朱樓別三朝白髮
生花村溪入市石棧細通城細小峰無數含愁翠
不明

上西江作

又溯牂江上秋來跋涉勞風吹青凍大浪作白頭
高解渴須涼粉蠲愁更濁醪落帆就溪女索取鱸
魚刀

江行

江行才十里戍鼓兩邊傳犬吠紅毛估人驚白底
船花添沽酒物米是買魚錢蛋女休相笑貧遊不
似前

白艚洋海至香舫澳門來雨勢過龍媪霞光起蚌
胎潮爭新舊水酒醉淺淡杯多謝波臣好殷勤送
客迴

芭蕉

芭蕉三十里葉葉有人家綠散一天雨紅開二丈
霞織成蠻女布漚作越人麻抽盡心千卷無心卽
是花

家家種蕉樹無暑到村來葉作三秋雨花驚一夜
雷全梳黃子熟半卷綠心開一種龍牙好香宜入
舊醅

蕉亦稱奇布成筒生熟兼絲挑針子細絺似葛兒
織赤久花難變黃深子太甜生涯惟種此最是野
人廉

答鄒清士贈研

一片分蕉葉真巖此不多親從東洞割自取細沙
磨玉氣雲常溼花痕蠟未過持歸與嬌女小字寫
曹娥

爲程母陳太夫人壽

春雨多萱艸秋霜復女貞黃金兒范蠡白髮母陶
嬰端水嘉魚美梧州寄酒清八旬猶戴勝旁有董
雙成

七夕歸自端州有作

年年當七夕千里亦還家愛看穿鍼婦歡陳乞巧
花雲含橋影細星射水光斜兒女逢佳節容粧分
外華

歸乘瓜果會七夕未參商天上雙牛女人間一鳳
凰月明環珮影風暗蕙蘭香莫使星河曙長教夜
未央

清淺天河水風波更勿疑黃姑迎及早織女渡休
遲烏鵲輸靈羽蜘蛛散巧絲汝南雞怕汝無賴五
更時

人間多死別天上只生離辛苦雙星隔殷勤一夕

期淚添銀漢水衣冑桂華枝絕勝嫦娥寡凄凉入
月時

張槎江上晚望

車簷逆流上只是取黃魚日落晚虹外潮生秋雨
餘樓多知大姓田好爲長渠榕樹千株裏攀枝亦
不疎

天南四首爲香東侍者作

天南花與菜總作合歡枝相贈三秋色相憐百歲
期書催嬌女學琴得美人師十賚因生日年年汝
不遲

番遇有合歡
花合歡菜

天南紅豆子勿復作相思蛺蝶紛無數鴛鴦自不

知三千方朔早十六阿侯遲欲老吾慚汝情深白

首時

天南多媚藥蝙蝠不須持白髮仙無日黃泉殉有
期芙蓉肥已子楊柳老猶絲詎忍留丹訣雲山作
別離

天南多蚌蛤光曬九秋時龍女珠應足鮫人泣莫
悲珊瑚紅尚淺翡翠碧方滋乳待張蒼飲殷勤大
耄期

素馨

無錢花亦買暮暮上頭來香得雙鬟吐光含片月
開珠璫爭大串茉莉讓重臺細草穿燈好枝枝照

酒杯

向夕分兒女人人雪一圍繞宜雲髻大穿要綵絲
微花販來能蚤花田去不稀年年當酷暑家以素
馨肥

人氣添芬烈開偏與夜宜如霜留到曙未月戴多
時掛帳成瓔珞張燈廢料絲中秋涼爽夕香作雪
風吹

如雲留一半香不散天明溼處能消暑乾時亦助
情摘分蠻女手穿徧越王城競向千門賣金錢擲
不輕

龍眼

炎方龍眼實端不讓離支益智秋初熟蠲愁晚更
宜家家爲焙日處處結圓時絕似韓嫣出金丸逐
不遲

七月孤圓熟村村作果箱味能爭黑葉色更染黃
薑逐利先三楚乘秋出五羊年年珠子樹末富勝
蠶桑

爲圃

老圃吾能及平生學在茲菜同尼父祭蔬似鮑焦
持多雨菊英爛微陽蘭葉滋養梧高出竹未是賤
場師

煖酒秋多葉薰茶夏有蘭影嫌衣竹溼聲愛屐苔

乾種草圖蠲忿栽花要合歡歲寒無可悅生菜滿
春盤

丈人餘一甕抱向白雲間夜雨初成水春泉不在
山藥苗肥可食桐乳嫩堪攀乞得葵花種開畦日
不閒

月高

月高猶未暝半帶夕陽黃墜葉乾多響流花溼亦
香劍留無好匣琴去有餘牀已矣人終窶憂心且
復忘

秋日集汪氏寓齋同用支字

涼隨數點雨蕉葉未全知暑退無多客秋來莫少
期月爭宮餅大花讓玉杯遲可惜當炎夏無緣賭
荔支

空山

空山愁獨往無計避殘春游鹿非吾土啼鴉是故
人花過三月市艸失六朝茵山鬼多離思芳馨只
自珍

送朱君之貴州

黔中兵火後君去貴陽春幕府無雙士將軍有一
人飛揚三楚地鼓舞百蠻民寄我苗刀好芙蓉砂
更新

贈王山史

行草推王氏鶩羣更絕倫君今傳筆髓不但作經
神老大猶唐物風流已晉人名家多父子端可冠
西秦

賦得失學從兒嬾

家學會何有從兒嬾讀書義今存不仕計只好爲
漁我已三冬少誰還萬卷餘白頭徒著述身後孰
傳予

賦得長貧任婦愁

交謫尋常事憂心且自寬貧知終窶好富識可求
難仲子妻猶飽黔婁婦未寒浮雲諸不義誰得野
人看

送羅君

新安多我友尺素每傳書兩度勞吾子親携雙鯉
魚翩翩千里遠一一十年疎青玉和金錯殷勤拜
貺餘

鴈來君又去去拂歛山過莫惜羽毛便而辭牋素
多故人盡饑渴秋望在巖阿早慰長相憶開書一
嘯歌

沙口

江從沙口小樹漸老榕多風向夕微冷水含秋始
波黃花隨處得白鳥有時過一艤浮沉去無人知
棹歌

九月初十夕

風起知霜降蕭齋氣尚寒未消三日病已得一秋
安藥餌將書換花枝擁被看燒泥生熟半斟酌欲
分蘭

黃落

黃落未云滿秋聲夜始多稍含疎雨去微帶早霜
過粉飄三徑籜衣亂一池荷蟋蟀頻相怨當如歲
暮何

貪涼因竹下乍病起新秋未得黃花食頻含絳葉
愁琴教紅版掛酒命綠尊留自擘增城柚香生角
枕頭

西園

芙蓉蓮葉外菱筍蕩根邊乳結三冬米泥耕十里
蓮白通江水活肥出土膏鮮老圃多居此橫塘不
種田

三城爲圃地十里養塘家秋竈香蓮葉春盤辣芥
花榕連龍眼暗柳倚木棉斜一路多蘭若疎鐘散
海霞

摘蓮當五月蓮外薤田浮菜向西園販花從白廟
收紅菱雙角早赤糯一邊秋生計場師好於陵與
我謀

地近西禪寺芙蓉映酒帘藕多成白粉葉每裹黃

黏菱角憐長嫩離支恨太甜野人持素饌留客坐
茅檐

一春

一春毛食久十畝未青黃作苦雖無力居貧尚有
方水鹹禾易爛田瘠麥難長不少夫家怨辭農去
故鄉

十口

十口愁艱食夫田不納租大禾霜降少晚稻小寒
無白蜺頻肥鴨青蟲未飽烏滑甘調幼婦好媚九
旬姑

初轉

初轉丹飛雪塗顏膩粉同昔惟貽弄玉今復贈香
東越黛憐微綠胡脂厭太紅祗須時飲酒花色似
桃叢

病中卽事

月上維摩女天花居士姬病中能侍藥閒處卽調
絲綠剪青荷葉紅簪白槿枝無錢買釵鈿吾窶縞
衣宜

妻解挈舟至兒知取藥回長勤心力盡稍靜性真
開衣少拋花匣書多礙鏡臺青蓮還有妹未見月

圓來

太白女弟
字月圓

不寐

不寐當城堞魂穿鼓角過未雞愁月滿將雁畏霜
多髮已病逾白顏須衰更酡黃花吾與汝好奈歲
寒何
月出暮煙生樓臺影半明溼花啼露久乾葉嘯風
輕山鳥夜多思草蟲秋有情姬人教莫寢一爲奏
琴聲
姬人工早臥往往懶鳴箏素手何曾冷紅粧不肯
明月嫌穿牖白風畏入簾清病態黃花似凌寒一
朶輕

江上早行

南風多海霧秋氣未全蘇城郭江吞吐樓臺煙有
無黃浮初日大青出遠峰孤漁火猶明滅波喧已
浴鳧
霧重知多蜺漁人競祭沙南風秋更起北雨暮多
斜野鴨肥千畝河豚飽萬家蠓筐新蛻好斟酌送
黃華

送季子之惠陽

知爾豐湖去深承太守情若非徐孺子安得謝宣
城詩入寒山好人添秋水清早歸當歲暮家食待
經營

菊

重陽殊未發誰識歲寒情少苦因黃蕊多甘是素

英帶霜拖麪白和露點茶清種爾宜饑渴芬芳養
此生

蕊至秋猶小重陽不得看白嫌霜降煖黃待立冬
寒冷落辭蓬戶馨香上籜冠數枝那忍食香沁已
心寬

籬間雞犬到枝葉不成窠種處秋陽少分時暮雨
多香真吾臭味影只自婆婆娑老大宜簪汝其如短
髮何

春秋佳日少艸木本心多人老同黃菊天寒在綠
蘿味經青女苦顏待白衣醃蕊熟雖然發終如歲
晏何

賦得失學從愚子

記誦今年少生書問不知無師陶氏子失學少陵
兒樂有非賢父遺安及幼時劉殷那得似各授一
經遲

非狂

非狂人不信盡作酒徒看市上無屠者淮陰有釣
竿英雄宜髮白老大更心丹慘淡風雲會時來定
不難

海味

海味沙螺美河豚好在秋白憐蠔粉嫩黃愛蟹膏
流魚買多論斗禾儲少滿籜今年西潦苦沙坦半

無收

拾禾

拾禾田婦滿爭稻野鳧多早恨鹹潮浸遲憂白露
過蓼花陰古渡菰葉亂寒河便欲携漁具乘秋涉
海波

結網

蟹肥新白露螺瘦未秋分蜆子飛乘霧魚花起似
雲久於漁事熟未了海翁勤結網無如爾垂竿不
在君

澳門

廣州諸船口最是澳門雄外國頻挑釁西洋久伏
戎兵愁蠻器巧食望鬼方空肘腋教無事前山一
將功
南北雙環內諸番盡佳樓薔薇蠻婦手茉莉漢人
頭香火歸天主錢刀在女流築城形勢固全粵有
餘憂

路自香山下蓮莖一道長水高將出船風順欲開
洋魚眼雙輪日鱗身十里墻蠻王孤島裏交易首
諸香
禮拜三巴寺番官是法王花滿紅鬼子寶鬘白蠻
娘鸚鵡含春思鯨鯢吐夜光銀錢么鳳買十字備
圓方

山頭銅銃大海畔鐵墻高一日番商據千年漢將
勞人惟真白蠶國是大紅毛來往風帆便如山踔
海濤三月番宮試共王芬翫風帆子寶鏡白盤
五月飄洋候辭沙肉米沉窺船千里鏡定路一盤
鍼鬼哭三沙慘魚飛十里陰夜來鹹火滿朶朶上
衣襟香山丁蕙華一韻尋木高嶽出風帆於開

秋海棠

便香人淚化朶朶向秋開葉已無情去花猶有恨
來多啼愁露溼欲笑喜風催影與閨人似依依然在
綠苔

己巳臘盡作

懶服蕪菁子從教蒜髮新壽須歸老母閒莫讓仙
人病去桃花喜貧來燕子嗔歲寒無雨雪爭得見
陽春
煙深知有雨春色一何遲歲暮無窮事梅花白不
知愁過高臥日貧到白頭時臘酒鄰家熟無錢愧
玉卮

立春作

暖逐立春來梅花一夜催氣猶晴雪在聲已早鶯
開競擲金錢去爭持寶勝回水仙吳下至更買供
香臺

士女春牛會歡娛滿越臺家人勝節一一小年

杯生菜青絲出陳醪白玉開食盤鄰曲餽香雜絲
花來

春餅兼黃白團年粉果香矚憐雙女月髮恨一人
霜花事從今始年光正未央莫教河畔艸又逐客
愁長

處處喧街鼓催年是此聲花燈初有市雞跣未當
城已喜三冬暖尤宜一日晴春盤多菜品老圃甚

娛情

諺曰最喜立
春晴一日

已得周花甲應能駐大年朱顏猶四十白髮未三
千曲逆長貧後扶風益壯前春來方一日已覺客
愁捐

冉冉流光去心孤老大前王家非我臘天祐是臣
年夢失雙蝴蝶愁歸一杜鵑春來須努力飲酒逐
花眠

舊國寧無臘貧家亦有春書殘王正月泣盡漢遺
人地老千年恨天私一日貧梅花憐苦節相伴過
蕭晨

窮愁誰得似蕭瑟自年年王霸知無日英雄料不
天花寒猶帶雪艸暖已含煙鶯燕休多語教人晝
不眠

荅酒家王君惠酒

梅花三白好包酒自姑蘇以我能名飲因君不用

酤白衣陶令有紀叟謫仙無醉向山丹道吾顏勝爾朱

五羊佳醞少風俗重燒春非此惠泉釀安知秋露醇自來天美祿多與酒仙人君愛婆娑醉尊疊見

貺頻漢書酒者天之美祿

玉饋清如鏡無乾復一樽忘憂憑此物難老不須言花氣春初暖鶯聲日已喧酒泉君挹注自此更

源源神異經西北荒中有玉饋之酒酒泉注焉酒美如肉清如鏡其上有玉樽取一樽復一樽

出與天地同休無乾時飲此酒人不死長生

耽酒因寒苦陽春醉裏回素華衰鬢失紅藥軟顏開甕下容吾臥壚邊謝客來文珪賒酤慣不遣債

家催

吳志云潘璋字文珪性博蕩嗜酒居貧好賒酤債家至門輒言後豪貴當相還

子雲有奇字好事每來過寂寞勞相問醇醪恨不多反騷情更苦尚白意如何腹大鷓夷似朱顏未得醅

辟惡新年酒芬香到敝廬山顏猶未得瓶瀉已無餘席點林花亂杯含海月虛思同嵇阮輩酣暢就壚居

喜某使君枉駕

檐前乾鵲噪知有客人來鞍馬驚窮巷壺觴戀小臺艸含煙色暗花映雪光開不是狂山簡那能酪酊回

泉至

蟬眼泉也

童子擔泉至，含冰盡冽寒。味難過蟬眼，香易發龍團。多飲能如醉，沉憂也自寬。雨前春芥好，誰更寄林端。

冉冉

冉冉飛光疾，持憂益自催。已殘華髮去，復貶玉顏來。祇有將離艸，曾無却老杯。落花知寂寞，應爲一徘徊。年華看冉冉，春與未春同。怨艸何須綠，愁花不用紅。姬人嫌服散，翠羽望開籠。桃李須臾事，依依爲好風。

送客返新安

微茫合蘭海，西接虎門津。蜃作樓船氣，鮫爲織作人。潮隨風力大，天逐水光新。一舸將漁父，君歸理釣綸。

汪栗亭復以紫霞茶見寄

爲憐甘冽水，巢父不捐瓢。况有紫霞茗，來從黃嶽遙。故人勞手製，嘉客把書招。共啜長松下，三年饑渴消。

盤蓮

一片玉盤水，何殊玉井天。移來菡萏種，行作鴛鴦蓮。尺寸耕泥淺，東西置藕偏。最憐三兩葉，珠已瀉。

光妍

羅翁八十有五善琴詩以贈之

橫琴復何事老向七絃中髮是先朝白顏非故國
紅燭愁花有力養壽酒無功爲我彈神化泠泠松
下風

老知琴德好新斲嶧陽桐太古追元響先王詠素
風無憂誰皓髮有道自方瞳汝亦成連子移情山
水中

盆荷

種荷愁水滿水滿出荷遲移向玉缸裏兼之紅藕
枝葉防公子摘花待美人持莫使微莖折纏綿未

有絲

白藕西園至花多種不同茄長方尺寸葉少未西
東美盎光含綠肥泥色帶紅芙蓉開自好莫讓曲
池中

夫子手植檜

生生仁聖意一檜每開屯氣得乾元大靈含萬古
春葉知興廢早花應帝王真百尺杏壇畔摩挲鱗
甲新

素王遺一樹歲久不生枝神聖有餘澤榮枯無盡
時地鍾靈氣獨天與太和私想像刪修日陰隨几
杖移

子貢手植楷

仲尼元氣在復此萬年枝一室心喪日三年手植
時枝條相嚮哭風雨至今悲再拜婆娑下何曾梁
木萎

栽培自端木高出宮墻陰諸子亦奇樹千株同聖
林治任歸獨後廬豕痛偏深手澤有如此扶疎知
幾尋

繞瑩多異樹世世莫能名一楷存梁柱孤標出魯
城冕檀連翠色五味接芳英終古思堂側依依復

女貞皇覽孔子冢瑩中樹以百數皆異種魯人世
世無能名其樹者民傳言孔子弟子異國人
各持其方樹來種之多柞枌雜離女貞五味
龜檀之樹夫子歌泰山壞乎梁柱摧乎

聽八十有五羅翁琴

十五抱琴眠彈琴七十年梅花無數曲弟子幾人
傳揮手向遺老知音懷古賢新聲紛滿耳唱嘆欲
潛然

望海

水浮元氣上風起卽成潮地勢歸洲島天光散沈
寥黃魚三月上白鷺一人招無數攀枝樹紅霞漲
不消

虎門東浩淼水與白雲平海蜃春多氣天雞夜有
聲燒鹽農力暇種草子田成十畝茭塘曲吾躬欲
往畊

愁

愁心無可寄花落斷腸邊人逐雙流水春歸一片
煙寒依香炭坐暖擁素書眠琴匣蛛絲滿彈時記
去年

夜坐

形影同深夜燈邊一侍人香煎沉水片酒酌雪花
春不寐聽疎雨無言倚翠茵茫茫兒女事嘆息爲
清貧

老矣

兒女半強葆啼饑不斷聲貧令慈孝損愁覺死生
輕舊葉當春落新花向臘榮時乎那可再老矣淚

空傾

搖落

搖落見喬木黃含葉葉煙無多秋色外一半夕陽
邊雞犬村村稻牛羊處處田丈人知有客歸及月
明前

一夕江楓樹清霜葉葉流紅令秋有色黃使客多
愁鴻雁又將至菰蔣何處求無歸當歲暮不忍寫
離憂

小荷葉

尺尺出金塘風吹壓紫鴛瀉愁珠子重裁恐翠翬
長未得花含豔先教葉吐香君憐相偶意莫折向

菰蔣

客至

朝來知有客喜母著人衣果踏山花至能驚宿鳥
飛無綿三月冷絕粒一春肥只此門前水洋洋已
樂饑

田家雞黍禮絕似丈人貧四體勤終歲三農備一
身靡蕪肥細犢荇藻媚修鱗不厭茅茨陋還來酌
暮春

聞笛

三孔羌人笛多因驚馬吹聲從秋戍起淚向夕陽
垂黑水連沙暗黃榆似草衰征鴻過渭北書報翠

樓誰

望洋臺

浮天非水力一氣日含空船口三巴外潮門十字
中魚飛陰火亂虹斷瘴雲通洋貨東西至帆乘萬
里風

止酒

止酒因無酒樽壘久已塵每從皆醉日愧作獨醒
人衰白誰能老清高自得貧舖糟終未敢漁父笑
靈均

止酒慚名飲無人醉阮公沉冥因道喪荒宴爲途
窮雪喜顏猶白花憂淚更紅蜉蝣能幾日一笑死

生同

江間

江間愁積雨水濁少黃魚潮味一春淡海鮮三月
疎白頭甜野筍黃口苦園蔬食力於陵子桔槔閒
有餘

萬里成南瀆西江比北長濁辭交阯國清入祝融
鄉子母禾田沃仙靈藥市香無窮洲島影煙雨共
微茫

不斷離支樹村村黑葉同鳥餐餘火齊人住滿珠
叢北酒南來美春花夏至紅小舟攜鱸具去逐上
魚風

出戶

出戶無行處窮途咫尺迷愁中難一醉夢裏易雙
啼死友都黃土生人總白氏絲來高世士皓首一
蒿藜

戶外行無路茫茫乞食人道高元耿介才老益清
貧口體徒營養芝薇未得仁首陽惟一已容易作
遺民

豫兒

四歲猶為小當予六十時能言須得早識字不妨
遲乾鵲朝多喜涼蟬暮有悲成丁深望汝門戶共
兄持

唐制民始生為黃四歲為小十
六為中二十一為丁六十為老

餅餌貧家少含飴累老親三年懷未免兩乳斷方
新寫解爭斑管眠知讓錦茵字從兄姊問初識是
天人

壽順德二尹

地分南海半城跨北山多縣有神明佐人傳豈弟
歌柳陰含日冷花氣入風和春酒公堂少清如水
雪何

過韓氏宅作

汝愛珍禽甚爲欄畫閣西糞香越王鳥餐火外蠻
雞玉髻丁鷓滿珠毛孔雀齊更憐畱客處花隱畫
睂啼

奉答蕭山周子見懷之作

蕭然山下樹多是白楊梅復有紫萼好湘湖葉葉
開水邊玄度宅花外越王臺幾夕錢清月流君秋
思來

蔡子

仲光

平生艸流傳總在君貧餘磨鏡具老有葬
書墳自彼成黃土人誰在白雲殷勤持黍酒養壽
鹿麋羣

庚午仲夏承大司馬吳公招同諸公奉陪京
卿張公讌集城西禪院次張公元韻四首竝
以送行

花宮能避暑卽是習池杯張仲京華上山公燕喜

開地增香浦勝朝待柏梁才早晚袞衣別臺關又折梅時吳公亦將還朝

一水逐潮迴臨流泛羽杯玉珂花底散銀管柳邊開六箸仙人戲雙鉤艸聖才荔枝題賦罷更詠酒楊梅

野飲當鳧藻芙蓉葉作杯天光穿水出人氣逼花開孝友能為政沈冥亦見才披襟當白雨涼爽未過梅

定知歸闕下陶侃上螺杯大禹陰能惜長沙業自開終資高寶力早識太真才軍事仍交廣饒歌奏落梅陶侃故事侃上成帝螺杯一枚張公於憲署作惜分堂

為梁疊石學博節母馮太孺人壽

蒼翠女貞枝陶嬰七十時珠毛黃鵠子玉蕊白華兒掌故多高弟文宣亦老師瓊南諸婦女恨得禮宗遲晉韋逞母號文宣君生徒隔紗幔受業几杖從瓊海歸來白髮長五經崔母子三徒孟家鄉櫻筍春盤嫩鷄豚夕飭香人師高行早五十年霜

題慈雲閣

片片羅浮影穿牕不是雲老人窺咫尺玉女隔氤氳蒼翠天衣溼蘭蓀梵閣熏丹丘雙白水知向定中聞老人玉女皆峯名

覺公善種蘭詩以贈之

最善滋蘭草場師總不如燠寒依月令肥瘠按花
書出葉那能短抽莖更不疎駢枝三五好美種肯
分余

題李子弄瀑采蘭圖

君邊一瀑布噴薄出雲煙若非三疊水定是九屏
泉復有叢蘭好長含清露妍無心似秋色空外莫
能傳

九日送程生

不忍登高去自憐秋思孤菊花陶令有竹葉少陵
無又送將歸客翩翩江與湖心隨鳧雁遠一片在

菰蒲

奉懷湯巖夫王鹿田兩處士

吾友江南在巖夫與鹿田遺民將盡日大老未歸
年葉讓朱顏好花爭素髮妍故人念漁釣終拂富
春煙

二老書多少名山定自畱史應歸草野經只志春
秋白草中華恨黃花一代愁狂奴吾亦爾夢寐每
相求

送李南申英三同李方伯之任湖廣

主人荆岳伯嘉客浙才賢接玉鸞龍步聯珠花萼
篇離心滿香浦別淚注湘川高義能恩我無窮感

激年

掛帆三十里相送白蘋洲
蘭芷無多草瀟湘不忍
秋羅浮憐合體江漢恨
分流越鳥銜珠意長懸黃
鶴樓

菊殘

變紅猶未落心卷只純黃
暖失三秋豔寒爭一日
香酒隨花朵盡愁逐歲華
長豈乏梅新吐終憐菊
有芳

炎方梅易發爭暖不宜寒
獨有黃花晚偏當大雪
殘東籬無此種靖節不曾
看歲暮英方落依依向
藥欄

郎官湖見月之作

郎官湖上月光射漢江
寒太白瑤臺鏡青蓮碧玉
盤自將金椀對誰共錦袍
看捉得蛾眉好纖纖影
畫欄

題姚君廬墓圖

白頭烏似汝啼斷墓田陰
一自悲風木平生廢玉
琴廬依秋竹冷淚滴練溪
深莫更同山鬼離憂愴
至今

黃鼠

榆中黃鼠好肥美薦膏梁
每共山羊飫時分野馬
香地猴銜子出邊女勸人
嘗南客初知味烹調更

有方

地猴形極小人馴養之縱入土穴則銜黃鼠而出邊頭以爲美味

黃鴨

邊頭黃鴨好知是野鴛鴦欲射憐交頸休驚任啜
香浮游無定水沐浴白榆霜候雁紛來去輸他解
向陽

酒娘

酒娘宜好糯甜甚出糟時清濁都難醉壺觴取自
怡蕭騷秋樹葉珍麗節花枝不飲胡爲者吾生已
暮遲

茶子

南油茶子美香晒露花宜絕勝茶靡液當儂膏沐

時雲光生鬢髮月暈上蛾眉寄語燕吳女金錢買
莫遲

落花

落花頻自落不肯爲春畱紅雨成煙去香風逐水
流鶯銜嫌破碎魚食恨沉浮枉使溪翁浣無情向
白頭

東風元不惡花片喜沾泥色謝鮫人染香辭鳳子
棲靡蕪恩易斷芣苢命難齊多負場師意栽培在
玉閨

隨風飄復墮先向宋東家白少同殘雪紅多似亂
霞身輕曾入掌命薄又聽笳馬上誰憐汝黃金贖

琵琶

園菜

丈人筋力少抱甕命兒童石使雲根去泉教井氣
通空心多越薤大葉更胡蔥瓜豆分棚好終年灌
漑功

三花與二蘭朝夕上蔬盤作豉多蠲忿爲藿有合
歡冬憐甜芋煖夏愛苦瓜寒每作伊蒲饌慈姑儘
意餐

肉食吾何忍家人菜色多爲菹鹽苦貴作醬蒟難
和絲落花成豆萍浮葉似荷羹魚蓴更美莖股采
湖波

重陽後一日承見堂枉顧花下分得六魚

坐愛林間石莓苔冷有餘霜甘花易食露濕葉難
書黃菊日以好白衣君莫疎重陽雖已過無酒亦
愁予

辛未元正六日立春值次兒泰十歲生日作
犬子好生辰開年氣色新能先人一日卽得汝三
春外傳殷勤就中經次第親九齡分我百帝與十
回幸

當年占得泰生果值三陽綵合而翁舞甘分祖母
嘗春先人日暖日向立春長示爾辛盤頌應追筆
墨香

人日

年年此人日人恨一人無燭滅迷魂夢香薰暗畫
圖病教明鏡失貧使玉琴孤不盡秦嘉意依依一
繡襦

諸兒

只是縈懷抱賢愚已可知清貧長在外教誨未多
時苦竹纖纖筍寒花嫋嫋枝參差催老大却望長
成遲

失學多因懶非關未得師父勞難責善家做易傷
慈作士無平世爲農及少時帶經鋤自可不日返
東菑

賦得垂柳送客出梅關

垂柳與行人依依爲好春無能繫驢馬只解作花
茵吹笛且容與出關應苦辛枝間烏八九望爾白
頭新

賦得間柳發紅桃

參差水楊柳中有夭桃然綠將紅作裏花與葉爭
妍千千分巧笑一一作春眠相映宜晴雨依依此
海天

不及

不及簷前柳春來卽展着惹人頻有絮牽客更多
絲雁浦寒煙外鵝城細雨時年年小寒食怕見最

長枝

依依

依依春未去花為美人留况有玉琴好能蠲香浦
愁影憐雙燕過聲愛一鶯流枕簟因君設殷勤向
小樓

送林赤見之懷集授經

吾友有令子五經如井丹少年頻友教長路豈游
盤西水冰初解春帆雨乍寒定知賢令尹雅有得
人歡

幾日辭都講行憂孝養遲豈伊敦子職兼可作人
師雨水收燈候花林罷酒時老成今漸少吾道厚

相期

送汪楷士還歛為其尊人七十壽

春半尚未雨江行苦淺流頻隨歸鴈去不為落花
留子舍依黃嶽親年若楚丘籠葱多玉杖采得自
羅浮

兄弟多才甚君兼作奕秋人無鴻鵠至客有斧柯
愁矯矯來三楚翩翩過五侯還家同老父樂向橘
中求

辛未上巳讌集王蒲衣深廬分得春字

時會送李

孝先就婚於蒲衣

禊飲逢元巳清和鬱水濱桃開千笑日鶯弄數聲

春貺室陪甥館浮觴屬主人青青修竹裏喜見鵲
巢新

清淺同銀漢桃花水正春言乘乘蘭節來送渡河
人烏鵲隨童子鴛鴦作媵臣衆情風舞暢歌入玉
簫新

翁山詩外

卷之九

番禺 屈大均撰

七言律

鍾山

高高雙巘削屏風紫翠晴飛萬井中一自軒皇成
寶鼎遂開天闕作玄宮千秋龍虎歸真主六代煙
花送狡童歲歲貂璫馳傳至櫻桃春薦思無窮
蒼蒼輦路但斜暉月出衣冠事已非六代余楸辭
玉殿中峰陰雨見龍旂蠻奴小隊呼鷹過漢女春
魂化燕歸多少哀笳吹不散五雲猶繞御牀飛

沙河悵望

百二關山起太行，鞏華宮樹曉蒼蒼。諸陵水落沙
河濶，十口雲連碣石長。士馬當年悲雨雪，君臣此
日怨參商。居庸欲度頻回首，弓劍天邊白露涼。

壽山有十口諸水皆
逕陵橋以入沙河

天壽八首

諸陵山起太行東，天柱香爐霄漢中。黍谷晴開燕
輿室，榆河春注漢離宮。青絲白馬塵雖滅，紫蓋黃
旗路未通。愁絕清明多雨露，萋萋芳艸灞園空。
太行東走極巫閭，形勢先皇用武餘。雁塞蒼茫
開寢殿，龍沙迢遞返宮車。犁庭自昔天威大，棄地
何因廟畧疎。萬歲明樓猶鎮朔，紫雲瞻望淚凝裾。

中峰樓殿鬱崔嵬，萬壑銀燈照夜臺。寂寞乾坤黃
鉞在，艱難日月玉門回。山如萬馬從天下，水自三
關入塞來。終古長安元代邸，我皇重把朔雲開。
景陵蒼翠疊芙蓉，想像英姿亞太宗。親射朶顏
沙塞去，先飛天馬羽林從。九霄玉几懸神嶽，萬古
龍旗出喜峰。辛苦司香諸內史，烽煙畱得掖門朶。

諸陵樹木皆盡惟
景陵餘白朶數株

英宗北狩返鸞旂，花萼雙懸日月輝。大隗何曾迷
聖馭，單于終是畏天威。榆河雨急龍時嘯，湯嶺秋
高雪已飛。此度文孫重出塞，無人更解白登圍。
軍都山色繞離宮，武帝佳城蒼翠中。紫塞雲從

陰嶽出桑乾水與御渠通朱弓赤矢歸徐偃玉雁
金鳧待沛公一著戎衣南國定諸侯猶自凜雄風
連峰萬仞削天梯玉殿虛無大峪西享國若令
光廟永垂衣應與孝宗齊秋高大漠三切入風
起平沙萬馬嘶不見太官朝上食御園霜露正淒
淒

風雨 昭陵落葉悲園門久已壞采恩烏弓早殉
三泉裏石馬頻嘶五夜時萬古君臣須再建二京
宗社已中移太平端拱稱隆萬天鑒何因不在茲

西山口攢宮

三首

哀痛千秋 血詔傳遺臣何以報皇天山河萬里

畱東澳兵甲三朝喪朔邊竟使單于封馬鬣可堪
嘗侍握龍淵酬恩自矢惟溝壑化作啼烏玉樹前
乾坤此變恨無窮雨雪淒淒葬梓宮血洒海棠
中使見神歸天穴貴妃同真孤倉卒人難託微服
艱難路不通隧道有誰陳麥飯年年杜宇哭春風
銀山鍊壁接雲中可惜龍盤萬里雄三輔莫遮回
紇馬九門誰撤羽林戎心傷玉匣蛟龍少淚洒煤
山草木紅此日六軍猶縞素報仇應解奮秦弓

金山口恭謁天下大師墓

讓帝飄零海嶠東龍歸猶識未央宮風雷豈敢疑
周旦禾黍何當怨狡童父老爭迎靈鷲錫山河如

棄鼎湖弓傷心陵墓無封樹秋草離離白露中

平臺

在天壽東山口內一里一成祖嘗駐蹕焉嘉靖十五年命作亭于上名曰聖蹟臺祀成祖于亭中

翠輦紅旗去不還平臺一片朔雲閒宮邊流水通

諸口陵後黃花控二關俎豆中官修漢臘采楸南

國慘天顏玉環何日歸廷尉流落龍沙戰血斑

宣府道中

花園北抵鴛鴦灤一路闕氏往蹟多怕嶽白雲連

上谷桑乾春水接洋河紫髯日市牛羊入紅粉時

吹簞築過此度關山無內外漢時空費羽林戈

塞上逢李武曾

相逢一醉白登鄉岐路蒼茫恨夕陽塞北離愁隨

地濶江南歸夢繞天長高堂望斷陰山月班馬嘶

殘子夜霜明日黃雲千里隔故人那得共壺觴

宣府弔古

遼后宮臨鎮朔臺明君祠傍拂雲堆天寒鷹隼三

關落日暮牛羊四野來幾日玉鑿榆木返無邊毳

幙上都開遼東一臂連宣府誰使寧王罷鎮回

望雲州

西望雲州但夕陽漢家何處有金湯三年馬首迷

春艸八月龍沙怨早霜夢逐黃河穿塞盡愁隨鴻

鴈入關長平生壯志成蕭瑟空復哀歌弔戰場

大同作

飲馬東連白道泉桑乾西接紫河烟何年代邸淪
秋草幾處秦城出遠天事去英雄羞一劍時來游
俠喜三邊哀笳莫奏思鄉曲都尉臺前月正圓

塞上感懷

未有英雄羽化期茫茫一劍報恩遲天寒射獵龍
沙苦日暮笙歌塞女悲太白秋高空入月黃河春
煖又流漸鬢邊一片天山雪莫遣高樓少婦知

弔寧武周將軍

三關保障推寧武苦憶當年禦賊才百戰不緣飛
將失九門何至內臣開夫妻力共山河盡士馬魂

隨風雨來北望長城空洒淚不堪斜日滿旗臺

岔道

軍都下視居庸險北口高懸太乙軍一自中官迎
白馬至今新鬼哭黃雲山連陰嶽當關合水抱榆
河入塞分城外風沙橫二路雲州西去恨無群

題雞鳴驛

馬飲洋河春水肥雞鳴山驛曉霞飛漢皇宣府餘
歌管遼后花園滿翠微紅草溝邊朝會獵鴛鴦泊
上暮開圍愁來不飲燕姬酒清淚將同露濕衣

咏葛稚川贈內

葛令當年勾漏去求仙却娶鮑家姝雙栖紅翠三

花樹對寫煙霞五嶽圖芙蓉自可爲金液蛟蝶何
知在玉壺將子羅浮明日返人疑桂父與麻姑

舜廟

在代州

虞帝時巡北嶽還翠華南駐鴈門山千秋玉殿臨
邊起萬里龍髯出塞攀雪盡滹沱穿大鹵雲生句
注失寒關竹書多少龍魚恨空有皇英慘玉顏

春日代州郊外作

青山一路帶滹沱復有垂楊拂玉珂調馬正宜春
艸軟望鄉爭奈白雲多美人花裏揚鞭出上客林
中射雉過相與晉王祠畔飲英雄往事一悲歌

送戴務旃入華山

夷齊祠墓白雲閒君向三峰峰上攀河至華陰分
地絡山連蒲坂作天關昭王博箭芙蓉裏毛女琴
聲瀑布間爲語青牛臺畔客彭荆山濯纓吾亦玉泉
還

送顧寧人

鴈門北接嘗山路爾去登臨勝槩多天上三關橫
朔漠雲中八水會渾河飄零且覓藏書洞慷慨休
聽出塞歌我欲金箱圖五嶽相從先向曲陽過

紫荆關道中送客

紫荆雄據飛狐口河繞長城去渺茫萬里悲風隨
出塞三年明月照思鄉平生亦抱昭君怨白首猶

尋結客場愁絕春寒紛雨雪送行難得酒盈觴

重過易水

年年易水弔荆軻總奏平生變徵歌上谷悲風吹
淚盡紫荆斜日傷愁多驂騮老去空知路鴻鵠高
飛亦受羅好向城西更沽酒英雄惟有玉顏酡

居庸

軍都關向兩山開不斷鳴駝塞外來往日遼金頻
失險只今龍虎枉當臺城從夏口穿河去水落黃
花繞塞迴幕府不須懸萬戶異時華夏自生才

紫蒙

紫蒙近接黃花戍黑水斜穿白草軍一道渝關兼

扼海雙峰碣石故干雲天生飛將都無用人是長
城獨不聞愁絕遼西征戰後兩河燐火暮紛紛

諸公餞予玉河亭子賦別

御溝一片東西水相送扁舟去五湖天上若無娥
月好人間誰伴客星孤但同慈母餐芝草便是仙
人隱玉壺燕市悲歌今已矣諸君好自作屠沽

邠縣經故督師孫白谷先生戰處

一敗中原勢不還二陵風雨慘龍顏朝廷豈合頻
催戰司馬惟應暫守關殺氣未消函谷裏忠魂長
在大河間行人邠縣踟躕久淚洒斜陽匹馬閒

華山作

青天低插芙蓉亂白帝高臨落雁孤太乙西來朝
紫翠首陽東走入虛無仙人博戲凌丹壑毛女琴
聲隱玉壺萬古雲霄隨變化秦皇漢武莫能圖

雪晴嶽頂眺望

三峰雪照黃河白萬壑雲含碧落空醉向明星求
露液狂臨仙掌舞天風雷霆聲起車箱裏日月光
吞玉井中間闔仰觀真咫尺高皇精爽昔相通

杜曲謁杜子美先生祠

城南葦杜瀟川濱工部千秋廟貌新一代悲歌成
國史二南風化在騷人少陵原上花含日皇子陂
前鳥弄春稷契平生空自許誰知詞客有經綸

蕪湖述哀

一戰蕪湖喪六師南朝宗社遂傾移花當竟繫降
王組細柳難張大將旗馬角不曾生大漠龍髯誰
爲葬焉支秦淮父老多哀慕歲歲清明祭不遲

白門秋望

龍盤虎踞是鍾山鳴鏑誰教入漢關豈爲深宮歌
玉樹遂令高廟失金環臺城日落棲烏怨淮水
風高戰馬閒愁見盧龍秋草外名王千里射鵬還

城北有
盧龍山

越中寄廬山無可大師

久辭慧遠溪邊月因戀西施石上花夢裏時時聞

瀑布曲中日日見朝霞觀空亦復憐天女服食無
如採月華五老蒼蒼煙霧隔知君何處著袈裟

黔陽

黔陽千隊皂雕旗城闕蕭條罷戰時侍御血霑龍
袞早將軍兵出羽林遲鷓鴣又散三珠樹雨雪偏
侵八桂枝我愧邯鄲廝養卒微軀何日報恩私

賦得明年四十髮蒼蒼

明年四十髮蒼蒼得見庭闈珠浦傍絕塞歸來依
婦子先人事業在農桑山中蝴蝶爲紈扇海上離
支有玉漿散帶涼風歌一曲平生何事向沙場

白鶴嶺懷屈仙作

并序

嶺在祁陽東北仙人屈處靜嘗於絕頂乘白鶴

上昇

三閩昔日是仙人苗裔如君亦上真笙鶴不歸高
嶺上彩雲空繞碧浯濱離騷一卷皆丹訣漁父千
秋有後身驂駕鳳鸞無不可嶽庭歸與太初鄰

永州曉望

瀟碧湘藍水至清臨流日日濯吾纓九峰雪溜添
春漲一片香零

山名在瀟水中

出曉晴花發有時來士女

月明何處降皇英雲山隱映皆相似斷絕騷人萬
古情

望嶽

千里瀟湘帶嶽長芙蓉九面鬱相望五峰蒼翠連
雲夢一水奔飛下石梁欲訪禹書登响嘍兼觀海
日出扶桑水簾洞裏通浮嶠便逐仙人返故鄉

水簾洞與羅浮通

朱鳥天邊配五峰湖湘倒映翠芙蓉白雲冉冉香
鑪出古洞陰陰玉簡封一氣衡陽生帝子十年南
極見飛龍遺宮縹緲無尋處日暮空聞嶽麓鐘

長沙秋望

雨過星沙楚望開天邊王氣尙昭回蒼梧倘得重
華返紫蓋應朝南嶽來父老謳歌思帝力君臣馳
逐失龍媒茫茫秋水雲吞夢騷賦空投二女臺

讀史

蚩尤祭後霸圖雄一劍能成赤帝功龍起不曾階
尺土人歸何必在重瞳天邊星宿朝東井沛上旌
旗捲大風此日留侯方寂莫咸陽王氣望無窮

贈電白令

使君慷慨奮秦聲欲繼空同一代名花縣不嫌神
電小炎天偏有玉壺清人飛國士無雙譽家在朝
那第一城他日夔龍多事業更令珠海盡銷兵

波羅曉望

牂牁春水蜀中來東注扶胥浴日臺江口月明龍
戶合海天雲散虎門開金銀宮闕隨潮汐錦繡山

河寄草萊氛裊冥冥殊未息南征深仗伏波才

壽尹丈

日出羅浮紫翠重芙蓉爭繞老人峰天因四皓生
芝草漢有孤臣在赤采坐處花深靈壽几夢餘風
過曜真鐘山公膝下能娛志春酒今朝沆瀣濃

過某將軍北山草堂賦贈

英雄無命合知還欲作浮雲自有山身在不忘金
勒馬夢飛猶向玉門關橫行人望三軍出高臥天
容一日閒落落長采風籟好吹人不使鬢毛斑

壽東莞令

新年花柳暖爭開茂宰椒觴是壽杯四百峰霞扶

日出東西江水送春來三城吏治推經術一代公
卿讓賦才鸞鳥已翔榆次縣歲星行上栢梁臺

與諸將登大甌山作

亂後江山但夕陽邊塵千里接荆襄三軍歲暮歸
無日一夕天寒臥有霜白草不堪多戰骨黃雲何
處少沙塲深閨夢裏人誰在咫尺龍堆是故鄉

將度梅關賦贈南雄朱叅軍

十載天南此謫居鴛湖歸興近何如官衙喜傍紅
梅驛春野堪陪白鹿車自昔仙人多守令未應吾
道在樵漁浮家我且臨京口相待金焦共著書

漢口過羅以獻鏡堂作

東南天盡惟煙水江漢微茫此合流才子多生蘭
芷地書堂遙接洞庭秋新篇一凌鸚鵡長嘯時
時起白鷗日暮不堪分手處青青大別鏡中浮
晴川閣作
峨峨川上兩飛樓樓下煙波一片愁大別中分江
漢水金沙東接鳳凰洲騷人一去無芳草帝子重
來有古丘可惜湖南空轉戰三年不見漢時秋

黃鶴樓作

西上飛樓眺夕陽仙人黃鵠兩迴翔九江秋水連
雲夢十里芳洲帶武昌詞賦自堪懸日月冠纓誰
與濯沅湘三閭亦可爲漁父一棹煙波樂未央

漢口

嶓冢東來漢水長二湖相夾似瀟湘陰陰楊柳雙
堤合冉冉芙蓉萬井香古屋龍蛇趨夏后大江煙
雨隔娥皇南雲北夢無窮路不待登高已斷腸
有贈

漢家名士惟忠武相見江東豁我愁道在定迴雙
日月書成亦是一春秋真龍自昔興三戶威鳳何
須歷九州賤子只今狂簡甚將從毛扇學風流
與柳子談淮陰侯事賦別李子

只今垂釣亦良圖漂母能知大丈夫一飯自應求
婦女千金誰肯易屠沽相逢歲暮寒衣盡相送淮

南濁酒無雨濕天陰揮手去可憐啼殺白頭烏

讀徐扶令和阮詠懷詩有作

大阮風流若有神詠懷詩好見天真嘯聲自可無
鸞鳳名飲繇來屬大人千載竹林誰復起一時龍
性汝難馴莫教禮法還疎短吾黨文章貴大醇

遙題毛子習池上亭

中原耆舊在襄陽之子風流今復長峴首功名雖
寂莫鹿門妻子自文章楚人善怨繇天性壯士為
家傍戰場他日尋君池上館醉看雲夢樹蒼蒼

素馨花燈

越女花田采摘歸滿城花片雪霏霏已將寶髻盤

千串更作珠燈似九微入夜光隨明月上凌朝香

化彩雲飛丹心不共蘭膏燼願照君王翡翠幃偽南

漢劉張有美人名素馨喜簪素馨

題李生畫冊

生善畫其草堂名曰羅浮

嗟君何事愛羅浮豈為梅花滿石樓天下正無山
水地仙人應念帝王州三湘畫出煙林曉五岳圖
成紫翠秋無限南朝宮殿影不隨江水共東流

送人上舉嶽

一石岩巉成一嶽三峯窈窕入三門蓮花半壓仙
人掌瀑布全傾玉女盆雲出金天皆白氣河通玉
井是真源君行好上西玄洞拂我題詩舊墨痕

昭江春望代景子

黃皮袴褶已全收，淚灑空山葬紫騮。
意氣不堪三戰盡，功名難向一人求。
陰陰桑柘鷄聲午，渺渺雲山雁影秋。
歸去故園高臥好，男兒豈必盡封侯。
春山雨過翠微新，千嶂青青欲染人。
芳草漸侵樵路暗，落花初點野田勻。
將歸海嶠嗟無計，已謝疆場幸有身。
白髮孀慈知健否，三年望斷繡衣臣。

代景子將歸寄內之作

何事時來反息機，將軍難挽紫騮飛。
多因戍婦啼紅粉，亦是山人愛白衣。
士馬自分諸部去，簪纓誰惜一人歸。
高堂此夕應同汝，夢見戎裝脫翠微。

送人度梅嶺

天作長城五嶺間，雄州繚繞萬重山。
越王舊治梅花國，秦帝初開大庾關。
紅葉影中雙騎去，白猿聲裏一人還。
乘時自有臺侯業，莫使鄉愁上玉顏。

送曹郡丞

蕭齋卧病日沉淪，知己潯江自少人。
無路可歸黃木浦，有辭難乞白華身。
一春風雨飄鄉夢，三載關山黯戰塵。
樽酒不堪還送別，桃花和淚共沾巾。

代景子昭江村舍寄懷某中丞之作

一辭灑浦無知己，三載灘江只憶君。
飛鞚有誰追國士，拂衣多日別將軍。
蠻奴尚使庭闈隔，漁父頻

將劔佩分羨爾南樓方嘯詠相思難寄楚天雲
隔浦人家帶柳林茅茨一半落花侵青峰朶朶開
春雨翠竹枝枝散夕陰但使巖泉堪隱几豈須勲
業始抽簪橋西小築須嚴武暫慰翩翩鸞鶴心

東孔君

世事茫茫總苦辛肝腸空與孔融親天教魯國餘
男子代有湘纍是怨人鸞鳳自應棲枳棘驂騑那
得絕風塵堪憐夜夜同明月相照愁心滿海濱

浮湘作

洞庭何處但空天湘口人家沒水烟山色淡分秋
雨外濤聲寒落曉風前蘭堂未得三閭返瑤瑟難

從二女傳終古雲愁兼海思枝枝斑竹似嫵娟
瀟湘爲客一秋悲不唱離騷唱竹枝香雨忽來神
女館幽蘭多長水仙祠三閭稱荒淫未敢兼風雅
哀怨惟圖寫別離終古君山青翠好銷魂應有美
人知

夏口

卻月城臨夏口高維舟日夕苦風濤青天表裏惟
秋水綠樹依微是漢臯南國山名愁大別楚人天
性愛離騷瀟湘戰後黃雲滿鴻鵠無心下羽毛

和王不菴幽居之作

一夕秋風老玉顏無人但掩白雲關臥當流水難

成夢行見梅花不欲還禪寂定於征戰後功名應
在有無間葛巾丰度開東漢賴爾林泉一日閒

吳門春日作

春光最愛闔閭城清婉吳音復有情一代風流餘
牒響千秋怨毒是簫聲家家柳拂長天亂處處花
含積雪明市井只今誰烈士橋邊空識伯鸞名
橋西舊有伯鸞居四百飛橋盡不如泉石誰令高
士在鶯花自是美人餘春聲只可聞臯氏簫曲那
能到闔廬吳下繇來多俠烈我行端不爲鱸魚

虎丘弔闔閭廬作

古墓人傳鶴澗旁三千寶劍殉君王青蛇未解傷

勾踐白虎徒能拒始皇石上每聞金縷曲林中長
見漆燈光紫珪魂魄迷秋艸笑我多情弔未央

閬門訪瞿止虛賦贈

綈娑垂柳拂精廬有客閬門此隱居張翰未耽千
里菜瞿松人專諸方炙太湖魚春光本自耶溪至明
月長疑玉貌餘吳俗繇來能用劍憑君淬出一芙

蕖

吳閬卧病有作

天山南畔對秋空此日金閬寂寞同蘇武饑寒甘
嚼雪要離細小畏迎風思將爪髮爲神劍未有精
誠與白虹蒲伏不妨長乞食霸王遺烈在吳中

楓葉蕭蕭掩市門秋光雖好易黃昏人憐白喜方
同病帝命巫陽更予魂楊柳東西朱戶映芙蓉七
十白波吞人間未有瑯玕實饑鳳啾啾好自存
三秋蕭瑟虎丘西山鳥多情爲客啼季札悲愁新
喪子梁鴻清苦早同妻紅蓮稻美春應熟錦帶花
多采不迷林屋洞邊風物好何時得共夏黃棲

贈王璞菴移居

移家偏愛鳳凰臺樓對鍾山紫翠開天闕喜看牛
首在仙雲愁別岱宗來憑陵海嶽惟長嘯羽翼春
秋且玉杯燕子磯南形勢好沙洲新抱石城迴

秣陵感懷

芝華采采未療饑南國飄零事事非烟雨又將春
色去林泉那得白雲歸蕭疎素髮慚金鏡寂寞青
溪弔玉衣貧賤每憂知己厭踟躕人外對斜暉
江風吹雨散陰寒多少鶯花不忍看地有三渠知
太液天留雙闕謂牛首作長安黃羊處處銜桃葉白
鷺朝朝傍竹竿欲住秦淮偏未得高堂千里念游
盤

逢商丘宋使君賦贈

相逢數數問戶門烟艸蒼茫往跡存豈有屠沽藏
魏市空餘詞賦在梁園千秋公子無賓客一代才
人是弟昆意氣未傾愁已別微軀自此更何言

三月六日集

蕭條為客恨江東此日壺觴慰轉蓬自有山川知
故國誰從花艸問離宮文章已作南朝氣歌舞猶
含朔漠風愁絕園陵寒食節君臣留得杜鵑紅

春日步出青溪尋東園故址

東園為中山王別業

青溪一曲亦天河往日張星此影娥

江總詩張星本在天河上

張星謂張麗華也麗華墓今在青溪芳艸又教南苑失飛花曾拂翠

華過武宗曾幸青溪釣魚秦淮水合穿朱雀幕府山名雲開散

紫駝痛飲且乘春未晚中山事業已蹉跎

過蔡國子園亭作

海棠一樹自清涼復有梅花似吉祥

清涼山海棠吉祥寺古梅

為金陵第一令弟分將朱萼好先公留得白華香開樓

近接鍾山翠引水遙通太液光勝日每邀詞賦客

因君孝友興俱長

題藍文還童圖

八十先朝侍從臣龍眠書畫總無倫人間文獻惟

高士天上神仙似美人玉璽未沉東海月

公精篆刻曾為

尚璽郎芝華長映霸陵春賢郎不墜風流緒相見江

東愛葛巾

舊京感懷

羽翼秋高未奮飛移家偏向帝王畿文章總為先
朝作涕淚私從舊內揮燕雀湖空芳艸長臙脂井

滿落花肥城邊亦有陰山在怪得風沙暗翠微陰

在江寧縣西南

內橋東去是長干馬上春人擁薄寒三月風光愁裏度六朝花柳夢中看江南哀後無詞賦塞北歸來有羽翰形勢祇餘杯土在鍾山何必更龍蟠

汝南灣逢張薇菴作

風流多在汝南灣汝亦張融日往還山水尚容高士得鶯花且與故人攀東吳隱逸無菰米南越文章有白鵬將子共修形管業書臺及此一春閒

贈陳二游

白首三才象數中精微應與古人通五星未可傳

張耳十日行當射有窮野渡微茫春沒水山樓彩翠晚含風殷勤喜有鉤玄客相對南朝古寺中

采石題太白祠

才人自古蛟龍得太白三閩兩水仙辭賦已同雙日月精靈還作一山川江間絕壁丹青出木末飛樓俎豆懸千載人稱詩聖好風流長在少陵前朱紫

陽嘗謂太白聖於詩祠上有亭當翠螺山頂予因題曰詩聖亭

英雄有命在文章豈惜飄零蜀道長談笑不須同太傅功名自可與汾陽青蓮一去無仙客金粟重來只醉鄉白玉盤中雙照影輪君華髮似秋霜牛渚西江月色新清光長見謫仙人詩多諷諫因

天寶道在佯狂得季真金鉉已銷飛燕口錦袍空
映鳳凰身垂輝不用多刪述天與英雄只老春
樂府篇篇是楚辭湘纍之後汝爲師烏棲豈寫亾
吳怨猿嘯惟傳幸蜀悲烟水蒼茫投賦地霜林寂
歷禮魂時重華一別無消息終古龍魚恨在茲

送甘榷齋返豫章

嗟君一別釣魚磯江左飄零道欲非有計且須還
栗里無名何必學蒲衣君撰無名高士傳鷹風塞上驚初
起蟬露林間幸未晞令子聲音清老鳳芙蓉九疊
拂雲飛

白髮

白髮垂垂歎水濱逍遙真是葛天民西山大藥來
童子南極春星媚老人一朵芙蓉生鶴頂千年琥
珀在龍鱗只今黃綺都臣漢采采芝華孰與鄰

柘江答董子

海上山川稱白苧江南風雅美吳淞夫君久適尊
鱸興兄弟還開綺靡宗芳草綠溪三白蕩流鶯飛
滿九芙蓉玉杯篇就應相寄此日春秋在二禺江

號白苧城陸機柘江人其文賦云詩
緣情而綺靡董子兄弟並工詩故云

京口春望

海上雙標浮玉峰潮聲處處應疎鐘江山寂寞雄
風在吳楚蒼茫積氣重天塹至今容飲馬石城他

日定飛龍南朝有恨歸烟水酒爲傷春一倍濃

次燕子磯作

半壁斜開紫翠圍中流橫作釣魚磯沙洲定爲真
龍長鐵縷難迴燕子飛江北每傷當日棄南陽長
恐故人非東流不盡興亡恨淚洒秋風一棹歸

沙洲抱磯長可二十餘里東蔽江口不見洪流磯
勢外向國初占有外藩不臣嘗以鉄縷維繫之

答睢寧崔丈

睢寧自古英雄地城外洪河接渺茫黃石至今存
老父紫芝何以慰君王文章亦是商周物服食無
如日月光相對淮南悲歲暮蕭蕭風雪一銜觴

送李子之官建陵

禹王祠畔思依依君向疆場我掩扉老去驂驪終
自市饑來鷹隼傍人飛才高且作神明宰家近休
言孝養違風好定知雙掛席桂林秋共雁南歸

合文 悵望爲家禮部兄賁士兵部兄泰士作

悵望滇南殺氣凝十年龍血已成冰紅霞尚自依
行殿白草無從問義陵諸葛但教兄弟在文淵應
見帝王興艱難六詔歸來日花萼名高世所稱

答富平田十五

逢君如上玉山行少小才華儼漢京已有笙歌要
五夜還勞鞍馬過孤城吟辭楚國江離秀醉倚頻
陽石凍清猶有先臣奇服在歲寒無使朔風驚

贈水師某總戎

將軍南建海門牙幕府東臨若木花
白馬潮來驚日月天鷄聲起亂雲霞
三城帶甲隨秋戍千里樓船奏暮笳
早晚行人返桑梓沉香浦上託為家

九星巖

星巖勝槩甲瀧東玉乳泠泠下碧空
萬壑芙蓉生洞穴千林薜荔隱房櫳
雲根氣作朝朝雨石角聲含夜夜風
巖有石窾吹之聲名石角琴鶴相隨宜此地振衣

時上玉虛宮

永安州道中作

蒙山蒙水古蒙州烟瘴千年毒未收
獐女盡能欺

虎豹欄房一半與豬牛畚田處處燒
陰木水碓家

家截上流無限鷓鴣啼不斷未行先
憶故鄉樓

浦至平南民獐雜居不可辨識大抵屋居者民欄
居者獐欄以木架起如樓上以棲人下以棲群畜
名曰欄房亦曰高欄狼則不然自荔浦
至平南多獐人自潯陽至貴縣多狼人

黃鶴樓

樓為獻賊所焚今移
故楚府救書樓重造

巍巍猶是敕書樓朱邸移來歷幾秋
黃鵠不將仙

客至白雲空為楚王畱三年士苦長沙
戰萬里人

含落日愁芳草莫重悲賦客江邊鷓鴣
已無洲

贈漢陽羅生

白雲紅葉漢江濬屈宋精靈應在茲
人似女巫多

姣服天生南楚好微辭雙吹玉笛招黃
鵠一變離

騷作竹枝神禹廟前波浩淼繫舟同讀嶽山碑

婁上別王鹿田

白鶴孤飛向九皋無家不覺此身勞梁鸞豈必妻
能敬梅福何須壻亦高諸將只今多繡鬢遺民自
昔一方袍相思屢過婁江上風雪依依戀羽毛

三十餘年服沙
門服無家室

泖口跨塘橋吊黃門陳卧子先生

舟出吳淞烟水遙黃門懷石此塘橋三閭日月光
相映一劍乾坤恨未消泖口尊鱸淹過客雲間風
雅憶先朝慚予後死空詞賦慣向江南放大招
送丁子同兄觀察之贛南任

花萼才名起八閩文章最易動星辰月明三卜秦
淮夜梅發雙行大庾春孝友卽同張仲飲謂寧都魏氏
芬芳先與楚人親離心半逐征帆去秋色相期贛
水濱

贈南康倫太守

江西山水首南康太守流風復紫陽一畫自能知
日月六經原不是文章天邊瀑布懸談麈雲際屏
風繞訟堂咫尺肯容徐孺否全家欲住蠡湖旁

答星子令

芙蓉九疊縣西鄰爲政風流羨子真白鹿洞名朝陪
賢太守青鳧夜逐古仙人思從弟子爲都講欲向

東林作逸民栗里溪中餘醉石相畱高卧過三春

天門山

秣陵門戶是天門雙峙天邊紫翠屯落日雲連牛

渚暝中秋潮長小孤痕潮汛至大通而止惟元夕中秋可達小孤千年

王氣從今起萬里江聲至此吞南北自來爭采石

開平功業與誰論采石有開平王廟

螺磯謁靈澤夫人廟

夫人孫權之妹漢昭烈皇帝后也昭烈崩問至

自沉螺磯

靈澤夫人死漢家何殊二女殉重華瑤姬一自辭

巫峽精衛千年恨海涯國賊豈能分曆數天威猶

自振褒斜永安哀詔驚聞日飛淚應沾白帝花

一逐長江下楚雲翠華望斷淚沾裙少康興日因

姚氏帝乙歸時是女君花落錦城先主憶月明瑤

瑟逐臣聞徽稱不媿同昭烈終古螺磯享紫芬

白嶽

拔地香爐是一峰長雲繚繞帝城重千年楠樹青

霄出百尺龍牀碧蘚封巖岫影連天子鄣風泉聲

亂羽人鐘天門久坐飛花上鸞雀紛紛不可從嶽頂

玄帝殿有額曰雲裏帝城

驅馳

驅馳未覺始衰年窮似扶風且益堅笑為神州加

飲食愁歸羅嶠卧雲烟月含疎雨光微冷花得清

江影亦妍白髮不須催老大河清應在杖鄉前
從沔鄂將歸先寄故園諸子

歸來依舊一船書妻子浮沉兩載餘就暖又隨南
海雁承歡惟有武昌魚羊裘天肯畱男子玉佩人
休媿女嬃中道裁詩先寄語相知多半在扶胥
相思莫遣鷓鴣來咫尺南中見越臺雪至三城頻
作雨花生五嶺總成梅離支酒為高堂熟孔雀屏
因上客開歌舞人祠東莞伯閒同珠浦一徘徊

姑孰道中遇施虹玉返新安時聞其親患病

姑溪相見即分飛迢遞新安觸暑歸藥石分將慈
母苦鷄豚餘得故人肥蘇耽亦念家中井萊子頻

沾道上衣此別茫茫珠海上書來先說是庭闈

贈姑孰楊太守

月出江天似白雲風流不見謝將軍狂歌自有仙
人在高調惟應太守聞城外潮聲牛渚合閣邊山
色翠螺分并刃莫剪玄暉練此日金波屬使君謝宣

城有澄江靜如練及金波兩鳩鵲之句

贈王當塗率陰人

舉下諸王我主人使君家有嶽蓮春神明肯作當
塗令文采思為太白鄰鳥影飛歸仙掌杳琴聲流
出玉泉新殷勤教化三年後鸞鳥將同子弟親

歸越書懷代景大夫作

携家兩載適東吳，虎踞龍盤待霸圖。門下未甘長
缺在橋邊，不歎大家無。西川欲去因先主，南越頻
歸爲老夫。展轉無成空白髮，養親依舊一屠沽。

經羅紫山望拜文信國墓

宗臣祠墓草離離，羅紫山前世罕知。萬里丹心懸
嶺海，千年白血照華尸。

信國殉節時
頭湧白血

遺民但作西

臺哭

謂謝
皋羽

山鬼猶歌正氣辭，長恨春秋人不識。如

公方可配先師

寄王蒲衣

只今亦有蒲衣子，雲卧南當大虎門。詩筆真如珠
子樹，書籠長見鳳凰孫。

謂羅浮大
蝴蝶也

袈裟豈得畱高

士岫嶠何如在，故園紫水歸人方咫尺。玉臺巾好

且相存

白沙先生居江門嘗稱紫水
歸人其中象玉臺山爲之

萬安縣道中

南風九月未生涼，漸近炎天豈有霜。已見鷓鴣來
大庾，更聞鴻雁自衡陽。灘愁惶恐當前路，山恨零
丁是故鄉。北塞頻歸南塞上，祇應雄劔識肝腸。

寧都魏叔子季子隱金精山詩以寄之

螺川南上更登艫，灘盡高臺見鬱孤。秋氣驚來江
上早，雪花吹到嶺頭無。天畱一劔知何意，人在三
門尚有徒不嫁。長沙仙女好金精，高卧亦良圖。

上十八灘

灘口雲峰萬朶迎崩波直下虎頭城聲含亂石雷
霆怒光出陰崖日月生天險豈容南越得時艱先
使贛江清橫穿瀑布三朝暮上盡黃牛水未平三
雙帆傾仄入洪波勃敵其如巨石多水底風雷爭
噴出煙中林岫暗飛過蛇蟠有氣吹黃葉猿飲無
聲下綠蘿未至儲潭猶險在且從中道玩巖阿

下十八灘

亂水砰磅鬪不開波中壁壘半崩頽灘高似倒三
秋雨石小偏含萬古雷險盡始聞惶恐至

下灘至萬安縣

南有惶恐灘驚多只望萬安來蒲帆幾逐峰巒轉一曲
纔能酒一杯

驚濤高下勢相傾風到灘頭益有聲半捲水花成
白霧全吹雲氣入空城時來身爲高堂健事去心
將寶劔明一曲武溪如有分不妨遲暮更南征

閏八月十五夕舟次贛州

歲時難得閏中秋樽酒應寬此夕愁江至金灘章
貢合月隨銀漢水雲流頻將白髮辭梅市只爲高
堂在藥洲萬里碧空勞騁望漢家今有客星畱

贛州弔丙戌忠節諸公

城南殺氣似黃埃三十年間黯不開腐肉猶香章
貢水忠魂多在鬱孤臺三宮未得憑天險十里徒
然設地雷秋色豈堪重眺望乾坤處處白龍堆

贈南安某別駕

西江地至南安盡五嶺門當二庾開使者功名畱
玉枕山名將軍梅鎬也湯沐有紅梅驛名三城客子浮家
至一代詞人佐郡來交廣春秋新著就殷勤花下
待君裁

度梅關作

苦恨秦關一道通人如去雁與來鴻梅花但為臺
侯植錦石難同陸賈封五嶺繇來稱塞上三城久
已作回中越王謂句踐留得多豪俊戰敗屠睢最有
功

八度人關逐雁飛寒門北去暑門歸黃金結客無

衣食白首為家有翠微天下侯王須凜毋先朝臣

妾盡明妃頻來空使梅花厭未見龍沙一奮威梅關

上有額曰人關

度嶺贈閨人

雙雙抱子度梅關二婦空將二婦還大別魂來秋
月下秦淮骨在暮雲間兒孤自逐黃泉毋人老難
當白玉鬟到日高堂應涕淚好持魚鱠更承顏
三度携家此嶺頭閨中秦越各歡愁無多骨肉貧
猶別不盡關山老更遊玉枕山名頻同新婦夜紅梅
已謝故人謂姜秋平生蹤跡希梁孟欲把吳門作
首丘

吳楚烟波共溯洄三年免上望夫臺市門不獨居
梅福堂下依然戲老萊荔子復承丹口笑扶桑重
爲玉顏開三雛嬌小隨行役解作吳音勸酒杯
嬌女新生字阿京還家添得笑啼聲平陽自是千
金橐織素空携萬里行弗子未能忘伯禹非男亦
可慰淵明中年至性傷哀樂陶寫難憑絲竹清太

女名平陽太
冲女名織素

情多兒女易流連五十猶遲寡過年吳札未乾羸
博淚左思頻有惠芳惠芳亦憐將雛且度梅花棧
太冲女養母難營漲海田憶作啼鳥棲白下依依宮柳拂
寒眠

啼鳥愁自白門歸故國樓臺慘夕暉無主豈能生
羽翼非時安可舍芝薇蛾眉忍作要離劍蝶翅堪
裁葛令衣自古仙人貴偕隱不關恩甚戀閨幃

韶陽舟中作

韶陽怪石夾江多榕樹枝枝若女蘿亂削山簪皆
碧玉橫牽水帶是青羅盤盤馬逐峰巒轉曲曲舟
穿洞穴過行客最憐鄉國近白頭膝下得婆婆

九日與客登潮泉山觀潮泉作有序

山在清溪驛東五里泉從石穴湧出聲如沸雷
泉大者爲雄小者爲雌一雄長則一雌消日凡
三長三消消則涓滴都絕若此地從無泉水者

惟秋冬間泉無消長乃有細水長流寺僧謂此
泉下應海潮然秋冬間海未嘗無潮而泉顧不
應之何耶湛文簡嘗稱爲靈泉有詩刻石今存
峽口千峰紫翠招維舟且復上烟霄山無旦暮含
江雨泉有雌雄應海潮四座花飛爭上酒中流
枵卧忽成橋幽尋正及登高節一路秋光逐畫橈

自韶陽南下三峽作

三峽涇陽峽最長人從天上轉羊腸林中洞穴空
聞響花裏烟霞亦有香萬古哀猿催淚落一秋明
月助神傷還家未敢窺青鏡鬢有陰山一片霜
六瀧三峽南中勝漁父相將幾溯洄九曲青峰隨
水轉千重翠壁夾天來泉衝棧閣時時斷花映船
窓處處開最是北禺堪嘯詠軒轅帝子有書臺

憶代姬

梅子山連大別長代姬墳上草新香三關挾爾歸
南海五嶺從予至漢陽命薄自應先曉露魂孤莫
漫涉清湘懷中孩笑愁相伴何處黃泉是故鄉
慘淡風沙上玉顏當年哭度雁門關女君亦是秦
川產夫壻頻將粵海還青草未能消瘴毒白楊那
得種鄉山淒淒漢口清秋月長爲歸魂照珮環

五十生日在九江舟中五十又一生日在韶
州舟中有賦

兩年生日舟中度笑共妻孥倒綠樽五嶽未歸非
子女三公不易是雞豚匡廬雨過晴川濶韶石雲
開玉闕尊五十正當而慕日白頭喜共北堂存

過某明府金紫山莊作

解組歸來已有年韓城猶憶使君賢家鄰大庾因
梅樹夢繞羅浮為酒田令子秦人矜勇力新姬吳
女鬪輕妍蘇卿墓上松南向羨爾曾攀漢代煙君

壽龍江蔡丈

東樵中有老人峰移入西樵紫翠重春酒正同飛
瀑瀉芝華長有白雲封楚丘神智年方壯萬石尊

榮禮益繁膝下玉璋多令子君王几杖待相從丈家

近西樵

過華林寺作

芳華舊是劉王苑咫尺鵝潭見海天蝴蝶繭從仙
嶽至菩提紗向帝京傳光流故國餘明月魂傍孤
城作暮烟春草似含南漢恨依依隨客到花田羅浮

大蝴蝶皆從繭出以菩提葉漬為紗宛似霧縠僧人嘗以寄遠

長壽院外眺望作

珠海當門月倍明雌雄水底應鐘聲自鵝潭底有鐘每與五仙

樓之禁鐘相應名雌雄鐘風飄梵響千家滿雨散花香兩岍清

洋船通時多富室嶺門開後少堅城霸圖消歇無

南武悵望朝臺古木平

七夕詠璇璣圖

佳人織錦按河圖天上璇璣得似無
文字能令琴瑟好風流悔使蕙蘭孤
牽牛此夕逢天女白兔他家憶故夫
手爪如君皆巧絕更誰山上采靡蕪

歸自淮陽喜見元孝金吾

嗟君玉貌晚逾鮮能處重圍是魯連
金馬自昌忠烈後錦衣還在聖明前
彈琴不作拘幽操扣劍惟歌獨祿篇
我正東求倉海返相逢尊酒夜頻傳

和藥亭人日得白鸚鵡之作

來自西洋白者稀炎天冰雪積毛衣
黃花頂上開

難已

頂上有黃毛客至毛輒開成蓮花形謂之開花

玉粒籠中啄不肥皎

潔應為高士得疎狂每恨昔人非

謂禰處士

一從佳節

逢人日飛向君前更不飛

贈林沂澤

國事驅馳早累君雄兒意氣薄天雲
秦皇正苦蘭池盜劇孟能張下邑軍
髯美定知仙福至身榮先使父忠聞
明年仗策還東北豪俊相從半虎賁
江南塞北久離居共是勞人憂患餘
避地長桑今有里逃生廣柳昔無車
橫天太白光何用貫日長虹氣未除
烈士只憂遲暮至唾壺擊罷莫踟躕

讀史答陶苦子

頻年踪跡空吳楚不恨無成又故鄉飛兔誰知天
下士伏龍終遇漢中王棲遲豈有烟霞疾夢寐長
依日月光黃菊只今非苦節年年花發及春陽

過梁氏園亭作

木葉微紅未覺霜歲寒梅菊兩爭香枯無冰雪真
甘節雁有菰蘆卽故鄉北地詩篇今日少東溪經
學一家長因君孝友頻相過更乞驚鸞字幾行祖令

東溪先生諱
文重講學

東官知己未凋零五十如君髮尚青相勸金膏營
服食更持香殘事沉冥多年天醉忘鶉首兩度人
歡見彗星玉蝶梅開誰忍負新詩頻與寫芳馨見

甲辰復
見庚申

贈林孟陽新築

之子端居亦學禪新開丈室市亭邊光吞萬象非
明月香散千葩是淨天大小羅浮當戶外東西江
水到門前天親無着多兄弟共話無生及暮年
嗟君獨有惠芳妍纔詠桃夭卽斷絃從父早敦黃
鵠節教兒先補白華篇維摩座側惟天女王母池
頭是萼仙他日尚書勞口授漢皇恩賜及嬋娟孟

有女性聰慧知書早寡
來歸今守節十餘年矣

送方卽山之西寧

瀧州田土最膏腴爾去躬耕且一區隴上不妨鴻

鵠在山中應與虎狼俱緇衣世外還將母白髮堂
前好弄雛萬里歸來吾未倦相尋同作列仙儒

贈蔡平叙姻家

君年三十頻生子已有公沙第五龍珠母飛來從

合浦鷓雛生處是南禺西山文獻傳先代白市簪

纓展大宗前輩詩成東莞集如公著述更從容平叔

為九峰先生沈之後所居東莞白市近撰東莞詩集表章本朝先輩值其第五子周晬日故及之

贈友姪陳贛新婚

先公巖野先生日月光輝在乃父元龍鸞羽翼長碧血

人欽司馬烈朱衣天與漢家香承宗喜有湘蘋婦

執管母為画黛郎舊賜儘多弓矢在射餘鳧鴈更

天狼

贈友姪林貽燕兄弟

林屋懷君好父兄重來莞水不勝情龍媒競蹀風

雲起稚子齊斑錦繡成花到炎天無月令鶯當大

雪已春聲文章莫但高吾黨乃祖先朝最有名東莞

人嘗稱某家為某屋故貽燕之家稱林屋其季父叙吾又以西洞庭有林屋洞天因顏其堂曰林屋堂

夜泊大濫作

月出依稀海霧消鷄聲催上虎門潮長星夜夜穿

河鼓殺氣年年貫斗杓興廢久知他日事清高終

立故人朝天心咫尺勞相告欲為林泉破寂寥

弔岬

虎頭門外三洋通想像精靈滿海東一代衣冠魚
腹裏千秋宮闕蜃樓中乾坤開闢無斯變龍鳳驅
除亦有功萬古人倫能再造□高皇神烈自無窮

南海神祠作

扶胥江口水微茫簫鼓人祠百谷王萬派洪濤朝
漲海千秋絳節奠扶桑參天花倒龍宮影浴日亭
浮蜃氣光聞道漢皇東渡急馮夷先為駕鼉梁祠旁

有浴日亭

夾江銅鼓響天風春半家家祀祝融神次最尊南
海帝隋時初築虎門宮波羅花落蠻娘拾獅子洋

開估舶通漢代樓船零落盡何時重見伏波功

黃龍洞尋南漢天華宮故址

在羅浮

英雄割據未全非此日龍川霸氣微輦路已隨秋
草沒歌塵猶作綵雲飛美人何處還金殿壯士當
年盡錦衣一自諸陵風雨後空留杜宇怨斜暉

登圭峰頂望崖門

悵望江門烟雨濃先朝空有玉臺鐘湘妃萬古餘
斑竹望帝三春在碧峰揮斷金戈時已盡歌殘薤
露去無從天邊島嶼多遺殿綠草離離積幾重

熱水泉

在電白之西三十里

溫泉一線出寒泉五月炎風吹有烟流入清溪穿

叠嶂聲含細雨亂高天清涼昔向驪山浴蕭爽今
來電白眠更喜石牀長數丈官亭東畔翠林邊

贈潘仲子新婚

繞膝芝蘭爾父多衣憐仲子舞婆婆夫妻桃李酣
春日兄弟鴛鴦戲綠波苜蓿廣文先生之子盤香勤進饌
芙蓉闕近緩鳴珂新開湖鏡當門外讀罷相携影
翠娥

過某少府

時自南雄攝東莞

梅花國裏賢司馬為政風流今在茲陰雨頻膏來
碧甲水名在東莞廉泉獨酌向黃旗峯名上廉泉八龍君行
才地西豪出雙鳳聲華北闕知漢代循良吾欲傳

相逢恐識使君遲

畱別南雄某別駕

別駕多才盡不如南來初下白門車六朝春色歸
辭賦五嶺梅花繞簿書玩世堪為濠上吏浮家莫
羨武陵漁時子將往沅湘江南一片萋萋草愁絕王孫失
路餘

賦為白下禪師壽

白下歸來謁大禪祇林西近素馨田談花亂與天
花落心月孤同海月懸得法先師惟寶鏡求詩弟
子是青蓮當軒一樹朱薇發為說無生儘意妍
嗟君鬢髮得鬢髮鷗鳥相將戲水涯曾遇仙靈多

秘怪未呈文字已才華六朝僧好無榮國一代禪
高是大家客至堂前都解笑不須重舉妙蓮花
十丈山茶與海榴枝枝從不與春秋生憎寶掌空
長命每見湘纍欲白頭比興總超唐手筆丹青兼
得晉風流杖人高弟真慚我佛祖叢中不可畱師與

予同出覺杖人之門

送藍生還閩

書画風流是晉人而翁草篆更通神無多歲月容
高卧不盡烟霞換老春災異休驚星屢變光華行
見月重輪離支不減侯官美珠海重來訪隱淪

七夕家舍人兄奉

命歸娶賦贈巳丑舊作

仙郎初授秘書回帝賜乘龍夜宴開銀燭光分鵠
鵲殿玉簫聲滿鳳凰臺雙星亦向天河渡五夜無
令花漏催京兆新眉如畫就早將銀管入蓬萊

寄魏處士

女中高士金精卧君亦狂歌在上頭王蠋自能存
社稷許衡那解讀春秋青天一半開奇石白水千
家截怒流教授莫辭多弟子異時王佐有人求

初至漢陽賦贈王別駕

鸚鵡洲西却月前茫茫江水接空天郎官佐郡還
三府夏口行春已六年北闕早知廷尉直南樓重
見庾公賢漢陽有樹皆楊柳未識棲烏向那邊

和嶺南副使將士匡廬之作

憲使心懸布水臺征帆遲向蠡湖開蒼蒼五老雲
間待冉冉雙旌洞口來明月且圓居士法炎天方
倚大夫才簪纓未盡君親事暫拂屏風九疊迴

贈南雄某總戎

秦時南塞此雄州鎖鑰憑君控上游霹靂泉邊開
大帳梅花國裏坐臺侯家存兩代山河誓地接三
城鼓角秋幕府只今才子在移家吾欲傍風流

寄靜公郡佐

君為別駕亦諸侯近自邕州轉柳州兄弟雙江分
左右蠻厓一旦識春秋雕弓既在龍城出

柳州出好弓

銅鼓還於象郡留東粵故人相憶甚題詩應寄五
仙樓

寄陳獻孟

烏蠻灘水接牂柯汝上橫槎為伏波東粵詩從西
粵好左江愁比右江多持觴日日傾鸚鵡學射朝
朝試橐駝歸觀高堂當歲晏白頭相望在浮羅

徐君自江左來廣賦贈

秣陵城北是花城花到君家色倍明黃菊去秋容
我摘白鷗今日逐人迎秦時梅嶺猶天險漢代崧
臺亦帝京憑弔定知紛涕淚江南人物本多情
牂牁一夕下炎天珠浦維舟水驛邊漢使光輝思

陸賈越王讎恥在梅銷羅浮蛺蝶元稱鳳南海菖
蒲亦得仙勝地招尋應不遠城西卽是素馨田

賦答賀子并贈其行

珠海中流有海珠石木棉多是女珊瑚黃金客自
趨南武香草人誰問大夫牖戶忽來朱鬣馬壺漿
頻與白頭烏情深豈是憐詞賦異日瓊瑤報不無

贈孔令

嗟君作令樂昌城可似三瀧水至清黃帝方書須
變化素王苗裔必神明丹砂縱好非仙物紫菊頻
香是玉京聞道靈谿多美釀持來應著葛巾迎
韶陽山水首瀧中趙尉城臨武水東几席未能留

孺子干旄應復過君公天生鸞鶴元無食人被芝
蘭尚有躬珠浦帆開頻送送循良期與建元同

送孫子還建業

中山臺館枕青溪咫尺君家碧草齊南苑花多愁
馬食故宮槐老羨烏棲爲鄰異日臨朱雀航名贈別

炎天有錦雞王謝最饒知己在玉壺重約及春携

張慈長爲予作畫像詩以酬之

丹青且復繪新圖飛兔猶存玉貌無豈有人驚非
好女絕愁天使作仙夫心傷蠶髮西歸少淚洒龍
髯北望孤異日長康能想像雲臺亦畫一狂奴

懷蔡大敬

越王自昔多君子意氣相傳直至君月向湘湖爭
皎潔花從梅市失清芬無窮香草歸詞賦不盡愁
心與水雲佳麗最憐西子地生才長有鳳凰羣

懷浙東毛君

蕭山才子推毛蔡可惜風流出處分翁主不將黃
鵠舉夷光空與紫鴛羣耶溪香滿非荷葉鏡水光
多是白雲宮體只今誰絕豔六朝人在定憐君

柬徐君

五十方知學易高神仙不復說盧敖天開日月為
文字人在雲霄是羽毛太舉寒泉雙玉井徐秦人炎
方碩果一蒲桃蘄陽象旨知君得白首無辭搦管

勞

蘄陽郁彬如先生嘗夢真人潘茂名為談
周易因著郁溪易紀以授徐君及郭清霞

得郭清霞書言欲歸老羅浮詩以速之

已報羅浮四百君君歸重挹翠氤氳金精不嫁長
被髮玉樹無親但抱雲象數早從仙易得文章應
使世儒聞芙蓉砂好皆塵垢丹竈何勞吐紫芬郁

生既得真人潘茂名易學之
傳因建仙易亭以祀真人

秦風最善詠蒹葭我亦伊人在水涯南越重來應
有主朔方一別遂無家仙人棲託元東莞令子絃
歌是白華同在瀟湘吾獨返相思頻寄海天霞君

夏人曩居東莞甘貧樂道
兒女並不婚嫁人以爲難

贈家泰士兄

與爾同庚白髮先，鴈行零落淚痕邊。遺臣最熟雲南事，私史長書大曆年。枯在不妨霜雪苦，梅開益使水雲妍。高文典冊憑君手，更補從龍傳幾篇。同出三閭是大宗，兩枝花萼一芙蓉。芝英自可安鴻鵠，玉鳥何須戲祖龍。南屈文章當代少，懷王子弟異時封。白頭相對衣冠偉，蘭芷香飄滿碧峰。蘭橈日夕向江濬，骨肉纏綿及此時。天有南箕爲傲客，人逢西漢重騷辭。驩驪老識天飛路，蛟蝶閒懸羽化期。暇日一尊歌出塞，封侯最美得關氏。漢用侯事玉樹連枝勢每分，鸞皇咫尺苦離羣。雨中獨有佳

人日風外誰知帝子雲，秦末神仙多上策。漢初豪傑少私軍，年來寂寞慚金劍。屠釣相從最憶君，麕衣散髮亦逢迎。高簡空馳世外聲，豈有林宗能絕俗。自來巢父不知名，稻梁人肯肥閒客。粵人謂白鷗曰客薇蕨天猶靳，寡兄無限微辭寫。哀怨湘纍子，姓總多情。

賦贈元孝仲已叔吾三子

碧血先公入地深，平生空抱復讐心。頻教令子驚天馬，更待孤兒隸羽林。慈孝自應難北面，絃歌人愛是南音。白頭多少西州客，一廢莪蒿直至今。

贈劉氏武姑

卿是昭平抑富川綠珠鄉里總嬋娟未生雛鳳仙
難學會與蘭葩帝自憐載向南京幾萬里攜來西
粵又三年相將負戴何曾別老得紅顏體益堅

贈梁氏文姑

白頭方得一鵝雛卿笑生稊是老夫人似東方頻
割肉地當南海每胎珠花香定釀君姑酒月皎須
投帝女壺長恨妻宮居寡宿中年已失兩羅敷
聞前州守王君談德慶山川之勝詩以贈之
兩峽吾憐大小湘嘉魚十月作羹香越城靈怪傳
龍女漢使風流在錦塘萬里滇陽來士馬一年南
武有衣裳君爲刺史如馳驛誰使神君不得長

白鵬

一夕秋風墜井梧雌雄無葉兩身孤樊籠豈似青
山好毛羽猶如白雪無孝鷓娛人頻吐錦文鸞報
主亦銜珠情多更似收香鳥日夕簾間就彼姝

美女篇有贈

佳人高義重求賢不逐明妃去朔邊青紫人驚奇
女氣光華天與宓妃妍沾濡只是嫌多露燕婉何
須及盛年尚有多情雙紫燕芳春相伴畫簾前

授經耿參藩署中值其生辰詩以爲壽

白鵬亦作諸侯客朱萼堪爲處子師張仲頻來因
孝友徐襄長在更容儀無爲豈敢言黃老有位須

教誦素絲介福喜從王母受堂前同慶日華遲

其母夫人生日皆在八月

與君

贈丁秋水

東宮畫手高吾粵君作翎毛更有神長慮鴛鴦飛
入水復愁蝴蝶去隨人香從兒女求生結花向仙
靈得大春紅翠白鷗多見與吾生鸞鶴最交親

廣州弔古

山川靈氣會都司舊作佗宮枕海濱一自名王來
駱越至今莧子是屠耆無才絕道稱南武有恨祠
天殺貳師邸第荒涼餘白草牛羊躑躅為誰悲
白雲山下即龍堆舊日丁零大帳開奇畜盡從沙

漠至遠人兼帶雪霜來無多越女畱炎微不斷明
妃去紫臺朝漢有誰還朔望雕青莧子在蓬萊
三峰飛入越王城上有呼鑿古道平氣似穹廬千
里接風飄笳鼓一天清裨王父子為燐火絕塞牛
羊自盛京山鬼招人歸白墓日斜林外有歌聲

贈邵湛生

時與邵君同授經

歡友相將此下幃童蒙爭拾杜蘭歸楚人風雅多
漁父漢代春秋在白衣東越暫為南越客白鷗終
逐黑鷗飛尉佗嘗獻漢高帝白鷗黑鷗時經秋光
萬里邀同賞坐久天河影漸微

郭清霞久客常德山中詩以寄之

清高只合漱朝霞飄泊何須歎暮花日月亦爲天
地客山河未有帝王家長臨澧浦因芳草漸近黔
陽爲好砂幸得山深人跡少不妨兒女似麕麇

題鄧氏山樓

樓外羅浮紫翠濃焚香日禮老人峰高堂已似商
顏皓令子還同萬石恭花萼三珠含雨露鳳雛千
仞上芙蓉清秋相訪來珂里兼喜文章有大宗

荆門詠古

荆門一戰建奇功王氣蒼茫起渚宮歸楚諸侯尊
義帝亡秦三戶記南公蚩尤兵勢雷霆似牧野仁
聲筐篚同自古王侯那有種寄言閭左盡稱雄

壽東莞周丈

當年五老園中客文采翩翩號石林此日尋仙從
地肺知君觀易得天心梅花亂點宜春酒桂樹多
棲壽藥禽戶外羅浮峰四百殷勤一日一峰吟

再至東莞感舊作

白首重來莞水濱香農相見益相親家家一瓣能
分客處處雙烟解惹人花盡不須尋舊館琴存且
復拂流塵芙蓉自古多無實枉怨秋霜妒白蘋

懷仙曲

花入高雲月上天美人相繼作飛仙棺中綵履畱
何處臺上青禽去幾年織錦悔教來粵嶠鳴篴休

更問秦川鴛鴦最是
多愁思未到黃泉已化烟

小兒小女

小兒小女五齡同
戊午同生二月中
朝夕甘肥分祖母
東西流落逐而翁
方離襁褓休催老
未教詩書且養蒙
角髻青絲雙繞膝
平陽衣綠伯禽紅

壽洪水部

翠華當日駐崑臺
君作曹郎已見才
天為祖宗畱大老
人從烟水得深杯
花爭作酌穿橋出
鳥喜收香入戶來
龍馬精神誰得似
七旬今正離珠胎

為陳茂才母翟太君壽

高堂花發是長春
吾母同庚亦甲辰
萊氏弄雛娛

娛白髮荀家多子足
朱輪草書神妙分
先哲蘭膳馨香及
大賓溪上茅茨居
勝地枝枝慈孝更
霜筠

林沂澤五十一又一生日詩以贈之

兒女催人鬢欲霜
知非又度一年強
能將孝友為喬木
更有精誠返夕陽
棋賭水沉花閣靜
杯擎金露柳橋涼
功名自古歸屠釣
那得逍遙到杖鄉

過石霜園林作

棠梨溪接遠人村
園有額曰遠人村
四面煙波是鏡園
舊是

鄧少參雲
香鏡園 一代沉冥惟綠酒
中年寂寞且青門
花

知白髮爭相笑
鳥識清機獨不言
移得參差多怪石
峯巒盡讓太湖尊

豐渚舟中春望作

喬木村村是木綿荔枝林裏出炊烟山痕青入寒
天遠水氣黃含落日鮮一棹暮歸驚宿鷺孤齋春
臥畏啼鴉江山如此無人恨歲歲花開獨愴然

壬戌清明作

朝作輕寒暮作陰愁中不覺已春深落花有淚因
風雨啼鳥無情自古今故國江山徒夢寐中華人
物又銷沉龍蛇四海歸無所寒食年年愴客心

王生訪予東莞贈之

嘗從令祖求仙訣杖履相隨四百峯書愛蘭亭精
用筆坐憐華首臺靜聞鐘諸孫最長來雛鳳五嶽

求師得老龍文采翩翩知舊德侍郎家學在溫恭

聞張將軍為僧賦寄

將軍一旦著緇衣狐死頻令免見幾江左近辭

高帝寢武陵遙叩故人扉

故人謂郭清霞時清霞隱常德山中半生

春夢何曾足垂老雲游尚未非富貴繇來多不義
定知回首淚長揮

焚香作

夜夜焚香到曉鐘鳴琴亦未綠塵封詩因五嶽辭
多怪酒得諸花味更濃欲補圖經先太率將營服
食首喬松乘時未敢頻為客燕雀卑栖且一峯

叔祖崇薦翁九十壽恭賦

天留南屈在沙亭烟管峯臨漲海青先祖遍栽長
命樹曾孫頻作老人星大宗祠啓來昭穆春酒筵
開肅典型亂插桃花方朔喜三千花實信仙經

贈劉明府

不惜京華謁選遲吳門先去訪人師乘閒更作神
明宰學道偏宜孝友姿紗帳高堂雙壽母羽林前
代一孤兒相逢數問先公事淚洒龍蛇失路時

人諱肇基封安國公

香鑪峽謁惠妃虞夫人祠

夫人虞氏英德人唐末與黃巢戰勝

之尋陣歿宋嘉定間救日夫人生能摧黃巢之鋒歿能制尚蠻之寇封為正順夫人

樹碑於廟

南越自來多女將虞夫人與洗夫人英雄此日誰
男子戰鬪於今盡亂臣峽口香鑪含烈氣沙邊石
馬起高塵惠妃名號榮巾幗再拜祠宮薦白蘋

留別建陵孟太守

三年王業未偏安才氣無雙似爾難名將多為邊
郡守孤兒曾隸羽林官雲州血戰先公壯露冕春
行壽母歡我愧疎慵應早退羅浮歸養采芳蘭
蘭橈日日繫江濱帥主恩深不念貧曾典戎麾猶
乞食已辭神武尚留人羞逢往日黃冠客悔別高
堂白髮親與子臨岐思握手交情須向去時真

賦荅楚人陳子山

白鵬生長二禺中雄白雌朱與衆同芝木那能如

一老雞豚未肯易三公文章知己歡南楚烟雨開

帆恨大通地名羊城八景寄語武昌城畔柳相思

長繫鶴樓東

兄弟君家不可當長公人羨白眉長三珠樹作題

詩筆八桂花為奏事香相父天南多教育尊人為廣東督學

留家湖北待迴翔炎天六月難言別相照冰心

一片光

又答其弟仲夔

揚鞭幾日別京華吳下爭看白鼻騮劍客多生荆

楚地騷辭更在大夫家同將孝友光南海獨惜英

雄老紫霞兄弟六龍君第二趨庭萬里慰公沙

與我神交幾嘯歌林宗郭臯旭同出都至吳一路話烟蘿休

言高尚皆金馬亦有文章在玉珂蘭草自為王者

出羊裘終柰故人何君家父子高臺閣應念窮居

著迹多

送散木子之虔州

君度梅關歲正殘梅花且喜拂征鞍北枝定讓南

枝早南雪休同北雪寒玉枕山名在南安偏宜遊子夢

金精山名在寧都更得故人看來鴻去雁元容易遲爾

明春返藥欄

蘭谿童君以丹砂見贈兼示憶梅之作詩以

答之

葛令當年惟服食君今亦欲事丹砂仙山更可栖
浮嶽玉女何妨得鮑家色似芙蓉非外物光含日
月是心花故園梅發休相憶且向炎天共歲華

招黃山汪子扶晨

扶晨別號梅旅比
以紫霞名見寄

紫霞春片寄來新慰我高堂八十人山水不知爲
道苦鶯花亦笑著書貧月明天外元非物雲落人
間卽是塵魂夢正牽梅旅客幾時來訪石門津
桃花潭水似情人流出黃山萬古春金粟至今爲
太白青蓮自昔愛汪倫詩於黃海辭多怪酒是潛
溪味更真渺渺煙波愁不見珊瑚千尺待垂綸

